

第一冊 名勝 園林

古今聯語彙選初集

上海商務印書館出版





自序

爲文之道有奇有偶聯語者論其性質特對偶文之緒餘宜若等諸不賢識小之列顧自來大賢殆無不措意於此以朱文公之委心理窟頗有傳者且其辭甚工下及有清德業文章如湘鄉曾氏乃哆然以楹帖專家自多曾氏嘗謂吾他日身後文采傳世正不必但必有楹挽一書行世文正歿吳南屏挽聯有云廿年力戰成功委運歸天不共汾陽論事業一卷挽聯行世戲言銘墓肯於海內古文章茲聯蓋紀實也夫氏此道自有可以成立之質幹故能歷劫不廢爲詞章之附庸自來勝流韻士咸於此分占一席地其工者寫景狀物言情摠哀往往意在個中音流絃外能令讀者悠然神往而暢然意釋十年以來學人志士務質不務文矯而過正遂使名山勝地勝書柱銘剝蝕摧殘與劫火寒烟同盡至若親朋慶弔隨意作不關痛癢之文字而情感以漓風雅淪喪弊且中於道德寧細故歟近頃始憬然知所謂重國粹講審美矣乃回視東閣則舊籍盡落屈指海內名宿此類之翰墨則東鱗西爪傳播未廣當此人事日繁新舊嬗蛻若

絕若續之交時移歲遷英華盡矣僕用是迫切哀爲是書親知相嘲謂吾是書功比保存古物其實如僕譴陋萬萬不足語此而其言固無以易也抑微獨保存而已將力圖斯道之不墜則是書亦正不容緩世界進化寧有盡棄其固有之粹美而屏之於文學以外也哉民國六年十月武進胡君復識

古今聯語彙選初集編輯略例

一是書每門之中復分各門如名勝園林則爲之分省分縣祠廟則以廟食者之時代新舊爲先後兼采以類相從之法此外各門略如前例約舉數端以見大凡非例言所能詳也

一是書成於讀書之暇以云賅備則吾豈敢但抉擇務求精審寧失之嚴無失之濫自非隨手掇拾充數者可比

一事實攷訂間采前人舊說或參己意用醒眉目

一從前楹帖專書匪多且以時代關係去取之間未必悉當是書則以聯爲主凡文以人重者寧從割愛

一是書大別爲十四類調查書籍三四十種共得三千五百餘聯其於流傳佳構亦已十得八九俾欲從事斯道者得所藉手亦文學之補助品也

一編者自撰向不留稿是書所錄諸聯或就生平記憶所及或轉向親故詢訪得之約

僅百分之一匪云驂靳聊識一豈鴻爪云爾

編者附啓

是書材料由編者一手甄采知交輔益之功亦復不少繼自今將賡續爲之其有如下各門類外間所不經見無論已刊未刊或爲單鱗隻翼或爲巨製宏編苟以見餉靡不拜賜

古今聯語彙選初集目次

名勝一

名勝二

園林

祠廟一

祠廟二

祠廟三

刹宇

慶賀

哀挽一

哀挽二

哀挽三

古今聯語彙選初集 目次

哀挽四

廡字

學校

會館

戲臺

雜題一

雜題二

雜題三

投贈一

投贈二

集句一

集句二

集字

古今聯語彙選初集

名勝一

都門陶然亭聯

穿荻小車疑泛艇 出林高閣當登山

又聯

窗前綠樹分禪榻 城外青山到酒杯

又貴筑阮仲明崇德亦題一聯時庚子九月聯

軍入京後也

長戈滿地一亭獨幽客子河梁攜手去

把酒問天陶然共醉西山秋色上衣來

北京西山之三山庵有精舍五楹端倒齋寓此名

之曰歸來庵並題一聯云

古今聯語彙選初集 名勝一

篋有三山記 胃藏五嶽圖

又徐東海聯

緣石蒼蒲蒙綠髮 纏松薜荔長龍鱗

趙甌北齋曝雜記云金龜玉鍊橋新修成橋柱須

鐫聯句余在樞直擬句云

玉宇瓊樓天尺五 方壺員嶠水中央

趙以爲寫此處光景甚切合汪文瀾公爲改尺五

作上下二字乃益覺生動云予謂未必且對仗似

嫌參差

園和園藕香樹聯

玉瑟瑤琴倚天半 金鐘大鏞和雲門

又園內某樓聯

玉瑟瑤琴倚天半 白波青嶂非人間

又園內夕徒樓聯

隔葉晚鶯藏谷口 啜花雛鴨聚塘坳

又園內知春堂聯

七寶闌干千歲石 十洲烟景四時花

京師藤花最著名者莫如海波寺街之古藤書屋

以朱竹垞舊居而重其最古而大者寺東之呂

家藤花有元大德四年刻字商寶意詩所謂萬

善寺旁呂氏宅滿架古藤翠如織鐵幹誰鐫大

德年模糊辨是元朝植是也倪給諫國璉聯云

一庭芳草圍新綠 十畝藤花落古香

通外河樓正俯連渠煖極雄曠程玉樵廉訪德潤

聯云

高處不勝寒 溯沙鳥風帆七十二沽丁字

水 夕陽無限好對燕雲薊樹百千萬疊
米家山

直隸涿州城門聯

日邊衝要無雙地 天下繁難第一州

又月城內聯

薊門鎖鑰今冠蓋 河朔膏腴古督亢

秦山下有樓彭剛直有集句一聯

我本楚狂人五岳尋仙不辭遠 地猶鄒

氏邑萬方多難此登臨

山東省城有歷下亭何子貞太史集蘭亭字聯云

山左有古歷亭坐覽一帶幽齊之勝 大

清當今萬歲是爲九年己未所修

濟南勝景以趵突泉爲最奇石琢堂廉訪聯云

畫閣鏡中看，幻作神仙福地。飛泉雲外聽，寫成山水清音。

大明湖前薛荔樓劉金門聯云

四面荷花三面柳，一城山色半城湖。

又孫星衍聯

地占百彎多是水，樓無一面不當山。

又聯

舟行著色屏風裏，人在回文錦字中。

大明湖中有小滄浪湖湖之南岸卽學使者官署

署中池水亦七十二泉之一與湖相通池上有

小亭吳巢松學使屬梁蔭陔分書小小滄浪一

扁賦七古一首爲謝梁和答詩而兩詩中有句

適成對語梁因集一小聯云

古今聯語彙選初集 名勝一

荷花如城月如斗，名流作主泉作客。

濟南城北有北極閣遠對千佛山俯瞰大明湖枕

城而立爲會垣最高處有集句聯云

宮中下見南山盡，城上平臨北斗懸。

吳巢松侍講慈鶴題嵩山聯

近四旁惟中央，統泰華恆衡四塞關河拱。

神嶽歷九朝爲都會，包伊洛瀍澗三臺。

風雨作高山。

陶雲汀澍題河南南陽府城樓聯

真人白水生文叔，名士青山臥武侯。

太皞陵在陳州府郡守王掌絲聯云

洩造化之機緘，萬世文章開易象。規山

川之形勢，千秋陵寢奠淮陽。

又邑侯麥祥聯

後天地而生朱園猶堪尋聖蹟 立帝王

之極白雲常此護靈墟

靈寶縣函谷關上建有猶龍閣門聯云

未許田文輕策馬 願逢老子再騎牛

陝州城西北隅有羊角山高五六丈由一線平脊

到城根起爲方形高埠城卽依此爲堞山上有

殿祀三皇及呂巖藥王諸神旁有廟爲覽眺處

會之所泐有披雲字卽古披雲亭地楹聯甚衆

錄其於形勢稍有關者四言聯云

小山承蓋 大河前橫

蓋是城臨黃河對岸與山西平陸州治正值也

六言聯云

憶仙石於五羊 渺天涯之一角

九言聯云

此地當熊嶺嵯峨之北 有水自龍門屈

曲而來

其客座聯云

襟帶有情繞郭河聲從地出 煙雲如畫

隔窗山色自天來

潼關襟山帶河爲秦中第一要隘自壬子以來屢

被兵燹有題城樓一聯云

華嶽二峯憑檻立 黃河九曲抱關來

關前景狀十四字盡之矣

馬嵬坡在興平縣西十二里舉秋帆制軍沅集唐

題聯

鶯花尙戀霓裳影 環佩空歸月下魂

馬嵬坡有楊妃祠爲同治中許仙屏視學時所建

乾隆時舉秋帆沅用隸書題曰唐明皇貴妃楊

氏之墓許有聯云

谷鈴如訴舊愁來蜀道秦川過客重談楊
李事 墓粉還將秋色補雨塵雲夢傷心
何似漢唐陵

楊蓉浦題陝西臨潼華清池環園聯

繡嶺萎荆榛祇餘堠館留賓記當年賜浴
池邊長恨空吟白傅 環園新結構云是
唐宮舊址問我輩沈香亭北雅材誰嗣青
蓮

陝西天漢樓在漢中府城上有聯云

古今聯語彙選初集 名勝一

到此最高看芳樹春流一覽盡收秦蜀景

何須更上誦好山雲影五言已盡宋元

詩

甘省平涼西門外六盤山卽關坂也山頂有牌樓

聯云

峯高華嶽三千丈 險據秦關百二重

甘省北關有拂雲樓峙城垣上垣外卽黃河環垣

東去背北山面五泉據河山之形勝左文襄篆

大河前橫額聯云

積石導流趨大海 崆峒倚劍上重霄

蘭州城北有鎮遠浮橋洪武間建以濟師屢撤復

建用巨舟二十四橫亘黃河上架以木梁南北

兩岸爲鐵柱四長二丈維鐵纜二各長一百二

五

十丈以通河西甘肅等路爲往來要津梁蒞隣

有聯云

天險化康衢直如海市樓中現不住法

河壩開畫本安得雲梯關外作如是觀

肅州漢酒泉郡也東門外二里許有酒泉井古蹟

光緒初左文襄西征以此爲根本地駐節城中

於酒泉井南築清勵樓撰聯云

中聖人之清有如此水 取醉翁之意以

名吾亭

樓上仰兩翼立柱架板爲閣道通東西兩墩

古木二三株樓後爲方廳其北卽酒泉池

題大地醍醐四字又聯云

甘或如醴淡或如水 無卽學佛有卽學

仙

道光乙酉長懋亭將軍楊時齋督部克復西域四

城蘭州同官於黃河南岸對金城關石金山寺

下建樓三楹題額曰瀟瀟薩湘林廉訪題聯云

外域全歸坐攬關山皆勝地 上游得據

笑談西北有高樓

光緒乙巳裴伯謙先生成西域時過甘省撰拂雲

樓聯云

終南太華鎮東方楊柳金城萬井挹關中

紫氣 蔥嶺崑崙睇西極葡萄玉塞一尊

撰天上黃流

金陵藩署本明中山王故邸西偏瞻園極樹石之

勝聞當時多從長嶽移來有聯云

大江東去浪淘盡千古英雄問樓外青山

山外白雲何處是唐宮漢闕

一作唐陵漢殿

小

苑春回鶯喚起一庭佳麗看池邊綠樹樹

邊紅雨此中有舜日堯天

相傳中山王自作上半聯而屬對不就懸金於

門有能對者酬之越數月有諸生某對成王大

喜遂鑄於柱是此聯在勝國時已有之今人以

爲黃仲則所作者誤也彭春農云或又傳此聯

爲錢牧齋句上聯懷勝朝下聯頌有清也未知

是否

金陵劉園內有宋處士劉公墓罷釣灣故蹟某君

題聯云

高閣明窗放眼奇峰千萬疊 黃花白酒

快心知己兩三人

又聯

墩本屬劉公問當年處士遺蹤花落無言

人已往 山仍依蔣阜想此日草堂新建

桃開應笑我重來

南京有莫愁湖按容齋三筆有兩莫愁之辨江寧

志云不知得名何時又云湖之狀正如楚澤悲

風眉紋雙結不知誰何愛而擬似之蓋湖名相

沿久矣李松雲聯云

一種湖光比西子 千秋樂府唱南朝

又范仕義聯

國士難逢一代雲龍留勝跡 美人已去

千秋海燕識芳名

又某君聯

烟雨湖山六朝夢 英雄兒女一枰棋

又聯

黃葉一枰和月冷 綠陰雙槳載春多

又聯雙聯

柳影綠圍三畝宅 藕花紅瘦半湖秋

又長沙黃翼升聯

紅藕花開打槳人 猶誇粉黛 朱門草沒

登樓我自弔英雄

又麓山樵客聯

世事如棋一著爭來千古業 柔情似水

幾時流盡六朝春

又王大經聯

國手棋高喜局定 平成六代江山還舊壤
樓頭酒暖看窗開 罨畫一城煙樹入全湖

原跋勝棋樓成總制湘鄉相侯集會垣諸公飲酒
落之予得叨陪未座撰此志喜

又合肥蒯德模聯

來遊凡幾不隄防 瓦礫場空回思畫意重
重白酒黃花渾一夢 報最何從且整頓
湖山名勝留取泥痕點點殘棋剩粉亦千秋

原跋莫愁湖金陵勝境相傳爲盧家故址迄明中
山王闖棋賭勝因以名樓後之人兩懸其像亦思
古之幽情也余曩者時一登臨經亂燬於火庚午

秋來權郡豪舊地重經殊有今昔之慨因念山川
景物實興廢之象所見端爲請上憲一仍其舊以

建之

又彭剛直聯

王者五百年湖山具有英雄氣 春光二

三月鶯花合是美人魂

又沈鍾聯

江水東流淘盡了千古英雄兒女 石城

西峙依舊是六朝煙雨樓臺

又程廷傑聯

武陵源世外春色 寒山寺夜半鐘聲

又白門雪巖居士聯

湖本無愁笑南朝迭起羣雄不及佳人獨

古今聯語彙選初集 名勝一

步 棋何能勝爲北道誤投一子致教此
局全輸

又郭外山聯

天子愛英雄登金碧重樓想見雲龍萬里
美人隔秋水望夫容一頃疑來海燕雙

樓

又汪瀛聯

登斯樓也其喜洋洋把酒臨風忘寵辱
望美人兮予懷渺渺挾仙抱月侶漁樵

又王湘綺聯

莫輕他北地燕支看畫艇初來江南兒女
生顏色 儘消受六朝金粉只青山無恙
春時桃李又芳菲

九

原跋同治十年重新莫愁湖亭子按樂府詞莫愁以河中人嫁一盧氏亦北方名族也石城艇子說者歧異蓋麗質嘉名流傳詞賦不宜儕於蘇小真讓也爲附引以證好事

又魏翁集句聯

水如妝奩山如黛 雲想衣裳花想容

又某君聯

人喚莫愁湖喚莫愁天下事愁原不少
王宜有像侯宜有像眼中人像此無多

王謂徐中山侯謂曾文正

莫愁湖之勝棋樓李維楨記只言徐九公子以謝玄自比兗州諸國記亦未言太祖賭棋然今人

醜稱之薛樹農聯云

山溫水膩風月常存幾人打槳清游倩小
妓新絃翻一曲齊梁樂府 局冷棋枯英
雄安在有客登樓閒眺仰宗臣遺像歷當
年常沐勳名

又黃漱蘭聯

人言爲信我始欲愁子細思量風吹縐一
池春水 勝固欣然敗亦可喜如何結局
浪淘盡千古英雄

又舊聯

桃葉復桃根海燕鬱金香遺世佳人難再
得 西湖比西子流鶯楊柳曲凝粧少婦
不知愁

又俞曲園聯

占全湖綠水芙蓉勝國君臣棋一局 看
終古雕梁玳瑁盧家庭院燕雙棲

聯璧題莫愁湖觀音龕聯

湖山舊是女兒家稽首慈雲願佳麗盡生
西土 圖畫今留元老像翻身苦海歎功
名都付東流

薛時雨題莫愁湖會公閣聯

出西州門邈迤而來看桑麻徧野花柳成
蹊十萬戶重觀昇平遺愛難忘白叟黃童
齊墮淚 與中山王後先相望幸湖水波
恬石城烽靜五百年允符運會大名並峙
袞衣赤鳥更圖形

又聯

古今聯語彙選初集 名勝一

勝蹟訪鶯花料應平地神仙得此處優游
湯沐 好山作屏障爲間隔溪猿鳥是何
人呼吸清涼

又孫文川聯

賭墅付傳聞歎青史成堆千古河山棋一
局 爭墩笑多事看畫梁依舊半湖煙雨
燕雙棲

又劉焯聯

明月幾時有更上層樓聽棋子聲中誰操
勝算 美人猶未來且搖小艇向藕花香
裏自遣閒情

又長沙毛澍涵閣駭聯

才經過禪關卻憐桃葉飄零六代湖山誰

十一

作主 且收入遊記待看荷花開遍一船
書畫我重來

又桂林侯紹瀛聯

岳牧用詞人諸葛大名垂宇宙 驕驕開
道路元戎小隊出郊桐

又奉新許振樟聯

過西州門風景不殊長懷聖相經營之烈
此一湖水潢汙可薦留侯後人謳詠而
歸

又聯

喬木蒼烟一代賢良扶運去 荷花秋水
百年兒女遺愁無

又聯

遺老空聞龍瀆語 莫愁好作石城遊

周彦升題莫愁湖莫愁中山王曾侯像聯

兒女不知愁南朝金粉北地臙脂何事干
卿寂寞一池吹水皺 將相木無種舊廟
雞鳴新祠虎踞其人不死淋漓大筆寫圖
看

按容齋隨筆莫愁郢州石城人自周美成咏金陵
有莫愁艇子曾繫之語誤指石頭城後人遂以名
湖故上聯云然

蘇州城南之滄浪亭自宋牧仲中丞築修後復經

長洲令許月溪遇及吳中丞存禮登羅中丞雅

爾哈善三次修葺令人只知有宋牧仲而已梁

蔭隣番吳時復加修治前祠蘇長史後祠韓新

王增設臺榭蔚成大觀齊梅麓太守彥槐一聯
云

四萬青錢明月清風今有價 一雙白壁

詩人名將古無儔

又集句一聯

清風明月本無價 近水遙山皆有情

上係歐陽文忠句下係蘇長史句皆滄浪亭事

也

又聯

短艇得魚撐月去 小軒臨水爲花開

又聯

百花潭烟水同清年來畫本重摹香火因

緣合以少陵配長史 萬里流風波太險

古今聯語彙選初集 名勝一

此處緇塵可濯林泉自在從知招隱勝游
仙

蘇州滄浪亭左有開吟亭亭下有廣池滿栽藕花

有聯云

千朵紅蓮三尺水 一灣新月半亭風

靈巖山館在山之西施澗下畢秋帆制軍聯云

花草舊香溪卜兆千年如待我 湖山新

靈障夙遊終古定何年

阿文成題贈靈巖山館主人聯

蓮障千重此日已成雲出岫 松風十里

他年應待鶴歸巢

靈巖山館之東有西子池劉文清聯云

香水濯雲根奇石慣延樵硯客 畫廊垂

十三

月地幽花曾照浣紗人

按靈巖山館在蘇州靈巖山之陽乾隆末舉公秋帆營造別館其中樓臺亭榭備極精雅費金十萬有奇而公自鎮撫陝西河南山東及總制兩湖計二十餘年平泉草木終未一見公自題及文成文清兩聯其夙識歎

虎邱有景李堂在白公祠內以太白有虎邱夜游

序也堂中牡丹頗盛彭春農學士聯云

一序設前游太白光芒神久在 三章懷
絕調牡丹時節我剛來

虎丘在蘇州闔門外下臨山塘羣山環拱獅子峯

對峙俗有獅子回頭望虎丘之說上有千人石

爲生公說法處曩時列肆連塵霧雜殊甚吾鄉

遠有假虎丘之稱庚申燬於兵燹轉覺耳目一

清山靈之真面見矣山半懸泉爲梁時懸懸尊

者所鑿近於其旁建湧翠山莊有問泉亭送青

簪靈潤精舍諸處洪文卿侍郎聯云

問獅峯底事回頭想頑石能靈不獨甘泉
通法力 爲虎阜別開生面看遠山如畫
翻憑劫火洗塵囂

虎邱山月駕軒洪文卿聯云

梁代溯靈蹤有情應感滄桑幾輩復登山
來挹清泉洗眼 吳宮徵美實無恙尙留
花草何人能說法再看頑石點頭

又月駕軒石波艇子陸鳳石聯云

在山泉清出山泉濁 陸居非屋水居非

舟

虎丘眞娘墓聯

香草美人憐千古
豔名齊小小
茅亭花影宿一泓
清味問慙慙

宋牧仲尚書撫蘇時爲唐六如修墓建亭其旁題

曰才子亭韓墓廬宗伯題聯云

在昔唐衢常痛哭
祇今宋玉與招魂

洪桐生梧題揚州南門城樓聯

東閣聯吟有客憶千秋
詞賦南樓縱目
此間對六代江山

揚州集賢樓下臨城河有聯云

桃花潭水深千尺
明月揚州第一樓

明祝枝山題揚州凝翠軒聯

古今聯語彙選初集 名勝一

四面有山皆入畫
一年無日不看花

伊墨卿題揚州平山堂聯

隔江諸山在此堂下
太守之飲與衆賓

歡

又聯

銜遠山吞長江其西南
諸峯林壑尤美
送夕陽迎素月當春夏
之交草木際天

又梁章鉅聯

幾堆江上畫圖山
繁華自昔試看奢
如大業令人訕笑
令人悲涼應有些
逸興雅懷纔領得
廿四橋頭簫聲
月色一派竹西
歌吹路傳誦於
今必須才似廬
陵方可邀遊方
可嘯咏切莫把
浪花濁酒便當
作六

十五

一翁後餘韻流風

又方子箴聯

六一清風更有何人繼高躅 二分明月
怡於此處照當頭

又金粟香寄題一聯時有粵東之行

勝蹟溯歐陽當年風景何如試問橋頭明
月 高吟懷水部此去雲山更遠重探嶺
上梅花

何廉昉揚州題襟館聯

當年多士登樓追陪雅集溯漁洋修禊賓
谷題襟招來濟濟英髦翰墨壯江山之色
繫玉鉤芳草綠蘸歌衫金帶名花香霏硯
席揚華搞藻至今傳宏獎風流賢使君提

倡騷壇誰堪梅閣聯詩蕪城續賦 此日
有人騎鶴爛漫周游悵文選樓空蕃釐觀
圯闕盡茫茫浩劫園林廢瓦礫之場祇橋
畔吹簫二分月古灣頭打棹十里春深補
柳栽桑漸次慶昇平景象大都會搜尋勝
概我欲雷塘泛酒蜀井評泉

焦山聯

回看佛國青螺髻 誤入仙人碧玉壺

宜興陳寅谷長焦山救生局寓居水月庵伺齋尚

書遊焦山訪之與坐談竟夕資州雜作伺齋野

死寅谷亦以癡病老去梁節庵令寺僧就松參

閣上設伺齋銅像爲題歸來閣三字以榜之僧

鶴洲聯云

水月記同寅谷坐 天風如見午橋來

鎮江焦山夕陽樓在北崖高處端旬齋爲集句一

聯筆意悽絕殆資州之語識也

夕陽無限好 高處不勝寒

又周學激亦有一聯吾友周君聘庚謂頗能寫

出夕陽樓光景

江流石不轉 雲在意俱遲

濟聖祖題金山七峯閣聯

溪雲初起日沈閣 山雨欲來風滿樓

濟高宗題金山行宮聯

氣接鴻濛中流開遠勢 山浮杳靄一柱

倚晴香

又聯

古今聯語彙選初集 名勝一

日湧輪高海門近 雲來氣接巫峽長

又聯

瓷碗竹鑪皆恰當 新題舊什各分明

又聯

泉冷石爲瘦 峯高樹與遙

又聯

詩句全從畫裏得 雲山常在鏡中留

又聯

三春麗俯雲巒上 太古青留水鏡中

又聯

到海春潮漲新碧 渡江烟樹織遙青

又聯

江澄萬頃淨如練 峯峙一拳高入雲

十七

金山之勝在倪臨揚子江從水次送歸樓觀皆作

飛動之勢山有明月亭伊墨卿知府秉綬署聯

云

月明如畫 江流有聲

潘偉如題金山江天一覽亭

天鏡照晴空謫仙去後來坡老 石鐘留

勝迹小姑依舊對彭郎

江湘嵐起揚州二十四橋

勝地據淮南看雲影當空與水平分秋一

色 扁舟過橋下聞簫聲何處有人吹到

月三更

小金山聯

洞庭山色揚子江聲一樣石盤陀金粟後

身香案吏 陽羨春茶蘭陵美酒四圍花
世界芙蓉舊社水仙王

揚州各勝蹟體聯多集晉宋及唐人詩句蓋虛雅

兩都轉見曾屬金棕亭博士兆燕爲之佳聯殊

多姑采錄數則以見一斑揚州城北慧因寺外

有香悟亭四面皆木樨聯云

潭影竹間動 葦母潛 天香雲外飄 宋之

問

又船房額曰南漪聯云

紫閣丹樓紛炤耀 王勃 桃溪柳陌好經

過張籍

又稍高處爲棲鶴亭其西廳事額曰綠楊城郭

聯云

城邊柳色向橋晚 溫庭筠 樓上花枝拂

座紅 趙嘏

又勺園聯

移花得蝶 買石饒雲

又卷石洞天在城闔清梵之後卽古郛園地後

歸洪氏人呼爲小洪園初入爲羣玉山房聯

云

漁浦浪花搖素壁 司空曙 玉峯晴色上

朱欄 李羣玉

又薛蘿水榭聯

雲生磧戶衣裳潤 白居易 風帶潮聲枕

簾涼 許渾

又宛委山房聯

古今聯語彙選初集 名勝一

水石有餘態 劉長卿 鳧鷖亦好音 張九

又西園曲水卽古之西園茶肆後歸汪氏中有

灑清堂聯云

十分春水雙檐影 徐寅 百葉蓮花七里

香 李洞

園有新月樓聯云

蝶銜紅蕊蜂銜粉 羅隱 露似珍珠月似

弓 白居易

又有水明樓聯云

盈手水光寒不溼 李羣玉 入簾花氣夢

難忘 羅虬

又倚虹閣中有妙遠堂聯云

十九

河邊淑氣迎芳草

孫邀

城上春陰覆苑

牆杜甫

又治春詩殿在虹橋西岸臨水夫爲懷仙館聯

云

白雲明月偏相識

任華

行酒賦詩樂未

央杜甫

又槐蔭廳聯

小院迴廊春寂寂

杜甫

朱蘭芳草綠纖

纖劉兼

又有亭曰雲構聯云

山雨樽仍在

杜甫

亭香草不凡

張祐

又淨香園之左有翠玲瓏館其旁有蓬壺影聯

云

碧瓦朱甍照城郭

杜甫

穿池疊石寫蓬

壺常元旦

又趣園光霽堂聯云

千重碧樹鎖青苑

韋莊

四面朱樓卷畫

簾杜牧

又黃園春水廊水局極寬處也聯云

夾路濃華千樹發

趙彥昭

一渠流水兩

家分項斯

又虹橋之西岸爲吳氏別墅其北有跨虹閣先

爲酒家後改官園仍令園丁賣酒爲業有聯

云

地偏山水秀

劉禹錫

酒綠河橋春

李正

封

又長隄春柳卽在虹橋之西隄畔有澁陰草堂

聯云

秋水纔添四五尺 杜甫 綠陰相間兩三

家司空圖

又夕陽雙寺樓之西爲雲山閣雍正間賀吳邨

君召所建本宋陳升之呂公著舊址今就其

地重建並因其舊名吳邨自爲聯云

供桑梓謳吟幾處亭臺成小築 快春秋

游覽一隅邱壑是新開

又聯

水曲山如畫 羅鄴 溪虛雲傍花 杜甫

又龔半千賢聯

寒香生寂磬 空翠滴疎櫺

古今聯語彙選初集 名勝一

又魏瓜圃嘉瑛聯

檻前春色長隄柳 閣外秋聲蜀嶺松

又劉鄴初敬輿聯

宛轉通幽處 玲瓏得曠觀

又賀園始於雍正而對薇亭則乾隆間所增建

吳邨題聯云

夜月橋邊留畫舫 春風陌上引香車

又褚空山峻聯

幾處好山供客座 一川寒月淨塵襟

又九峯園在揚州城南中有深柳讀書堂聯云

會須上番看成竹 杜甫 漸擬清陰到畫

堂 薛遠

又兩花巷門外嵌石刻曰砚池染翰聯云

二十一

高樹夕陽連古巷 盧倫
小橋流水接平沙 劉兼

郡城以園勝康熙間有八家花園所謂八座

名園如畫卷是也下園在小金山後卽八

園之一舊有王漁洋聯云

梅花嶺畔三山月 宵市樓頭一草堂

又畢園亦在小金山後用竹籬圍大樹數十株

廳事顏曰柳暗花明村舍方西鵲聯云

洗桐拭竹倪元鎮 較雨量晴唐子西

又花潭竹嶼聯

天上碧桃和露種 高塘 門前荷葉與橋

齊張萬頃

又薛玉居集杜聯

山月映石室 春星帶草堂

蜀岡朝旭李氏別墅也有曠如亭亭外水中有

雙流舫聯云

重檐交密樹 王勃 隔岸上春潮 清江

揚州三賢祠蘇亭盧雅雨自製聯云

良辰盡爲官忙得一刻餘間好誦史繙經

別開生面 傳舍原非我有但兩番視事

也栽花種竹權當家園

清江浦有禹王臺浦中一勝景也麟見亭聯云

洪水想當年幸怪鎖洪湖十萬戶飯美魚

香如依夏屋 清時思儉德祝神來清浦

千百載泳勤沐澤共樂春臺

簷懸雜記云江陰君山以春申君得名其山臨江

爲一邑勝境聯云

此水自當兵十萬 昔人曾有客三千

無錫西門外九龍山一名西神山麓有黃埠墩在

芙蓉湖中四面皆水飛樓畫檻有小金山之稱

孫平叔宮保爾率聯云

燈火春星浮北郭 雲霞朝景攬西神

又黃埠墩水月庵聯

如臨揚子大江聽塔上金鈴自語 定有

蘇公高致爲山門玉帶重留

黃埠墩之建築庚申年燬於兵燹後重建一新規

模如舊有題聯云

九龍繞郭而來一顆明珠宛在芙蓉烟雨

萬馬窺江已去半規浮玉依然楊柳樓

古今聯語彙選初集 名勝一

臺

無錫太湖之濱新建萬頃堂正對太湖中獨山孫

叔方揆均聯云

天浮一龍出 山挾萬龍趨

又聯

滿地干戈故老傷春作寒食 重湖風月

有人招隱結茆庵

重湖謂太湖及湖尾之五里湖也

又楊經筵建輪聯

何處是桃源且儉半日閒來享湖山清福

新隣結梅嶺會看十年後定成世界名

區

與萬頃堂接近有園曰梅園唐傅鄭浩鎮集劉禹

歸唐太宗句云

風止松猶韻 日晴華更新

又孫叔方授均聯

七十二峯青未斷 萬八千株芳不孤

又孫北黃巖圻聯

樹木十年此地合名小香雪 太湖萬頃

浮生直欲老烟波

又華蘊珊文川聯

歷長廣溪曲曲清流一水迴環入室又通

香雪海 與東西山遙遙對峙片帆時渡

滿船合載洞庭春

江陰申港有春秋吳季札墓墓前有孔子所題十

字碑文曰嗚呼有吳延陵君子之墓碑石有斷

紋建亭其上相傳碑斷已久明季一夕風雷大

作碎石復完亭內有彭剛直聯云

星斗夜寒君子墓 風雷時護聖人書

宋劉孤山歲寒岩聯

爵比郭令公歷中書二十四考 壽同廣

成子住崆峒萬八千年

此東坡書尙留崖壁語

元余曠自題居廬

官居東壁圖書府 家住西湖山水間

明開子將題雷峯保俶二塔聯

雷峰如老衲 寶石似美人

清聖祖題西湖南巡行宮聯

蒼靄望中收四面湖光依几席 薰風行

虞備六橋花柳聞桑麻

清高宗題西湖南巡行宮聯

日遊曰豫所無逸 樂水樂山亦靜機

竹素園在金沙澗後清世宗題聯云

花枝入戶猶含潤 泉水浸階乍有聲

張景雲題竹素園奉揚仁風亭（俗名扇面亭）聯

清風一握自爲笑 新月半規殊有情

陳璠題竹素園聚景樓聯

十年生聚有今日 四時風景同古初

彭剛直題平湖秋月聯

憑欄看雲影波光最好是紅蓼花疎白蘋

秋老 把酒對瓊樓玉宇莫孤負天心月

到水面風來

古今聯語彙選初集 名勝一

又阮文達聯

勝地重新在紅藕花中綠楊陰裏 清遊

自昔看長天一色朗月當空

又石治棠集句聯

欲把西湖比西子 更邀明月說明年

張岱題清喜閣聯

如月當空偶以微雲點河漢 在入爲目

且將秋水翦瞳神

又胡來朝聯

四季笙歌尙有鷓鴣民悲夜月 六橋花柳

渾無隙地種桑麻

平湖王成瑞題三潭印月聯

明月自來去 空潭無古今

二十五

張偕題三潭印月放生池聯

天地一網罟欲度衆生誰解脫 飛潛皆

性命但存此念卽菩提

程雲榘題三潭印月靜涼軒聯

天賜湖上名園綠墊初開十畝荷花三徑

竹 人在瀛洲仙境紅塵不到四圍潭水

一房山

又合肥李瀚章聯

碧亞欄邊正酒熟香溫隔牆忽逗初三月

綠荷叢裏有珠簾畫舫攜客來嘗六一

泉

又金安清聯

半塔斜陽頽老衲 一池殘葉戰秋聲

又楊昌濬聯

門外湖光十里碧 坐中山色四圍青

又陳承鋈聯

四面荷花三面柳 一城山色半城湖

彭剛直題三潭印月小瀛洲牌坊聯

來往遊人須知愛惜花柳 春秋佳日切

莫辜負湖山

又題三潭印月某亭聯

四面湖山數間屋 一樓風月半龕詩

又聯

兩岸涼生菰葉雨 一亭香透藕花風

唐樹森題三潭印月迎翠軒聯

笑隔荷花共人語 坐着孤月到天心

又孫家毅聯

畫圖勝景待君開對平湖烟月舊地重經
最難忘柳外聽鶯梅邊放鶴 潭水多情
留客住趁佳日春秋及時行樂休認作鳴
鷗入谷張蓋遊山

又彭剛直白通聯

楓葉蘆花秋瑟瑟 閒雲潭水日悠悠

又黃倬聯

最喜荷花環佛界 每量湖水問漁人

阮文達題葛嶺朝暾聯 嶺有葛洪殿

月似丹光出高嶺 鶴因梅樹住前山

輅光觀海聯 山上有呂祖殿

樓觀滄海日 門對浙江潮

古今聯語彙選初集 名勝一

祁世長題輅光觀海誦芬閣集林文忠公句聯

嶺樹湖雲沉足底 江湖海日上眉端

明郡守田汝成題南高峯聯

兩腳不離大道吃緊關頭須要認清岔路

一樓俯看羣山占高地步自然趕上前

人

冷泉猿嘯舊聯 上有冷泉亭

泉聲咽危石 日色冷青松

又董香光聯

泉自幾時冷起 峰從何處飛來

又祝慶年聯

洗熱腸源足冷 護淨土峰胡飛

又左文襄公聯

二十七

在山本清泉自源頭冷起 入世皆幻峰
從天外飛來

又升泰聯

世出世清一泉水 住無住心半峰雲

石治棠題飛來峯聯

泉自冷時冷起 峯從飛處飛來

張岱題龍井聯

夜壑泉歸渥注能致千岩雨 曉堂龍出

崖石皆爲一片雲

張岱題天竺聯

佛亦愛臨安法像自北朝留住 山皆學

靈鷲洛迦從南海飛來

蔣嶺香水鄰園聯

喜有寬閒爲小隱 粗將知足報明時

又聯

桃花流水之曲 綠陰芳草之間

又聯

直將雲影天光裏 便作柳邊花下看

仁和徐琪人倚樓聯 在孤山旁蔣果敏公祠內

甘棠繞屋薦鞠浮樽比當年廣廈萬間下

楊正宜徐孺子 玉笛無聲青山依舊料

此後明湖一曲停橈都唱蔣安陽

又聯

靈之來兮從白舍人遊配蘇學士食 客

何爲者橫楊公濟笛披董靜傳書

彭剛直退省庵聯

水得閒情山多畫意 門無俗客樓有賜書

又聯

浮生若夢誰非寄 到處能安卽是家

又聯

大地少閒人誰能作風月嘉賓湖山賢主

六橋多勝跡我愛此荷花世界鷗鳥家

鄉

又聯

退食有餘閒當載酒人來莫孤負萬頃波光四圍山色 臨流無俗慮看採蓮船去只聽得一聲漁唱幾杵疎鐘

又聯

盡此一寸心與點綴湖光山色 收拾數間屋僅勾留墨客騷人

徐樹銘題秋水蘋花館聯

理權訪精廬秋水白蘋伊人宛在 倚梅尋舊約青山紅豆到處相思

又盧維鈺聯

聖恩賜西湖一曲 人望若北斗七星

鳳皇山南宋後殿聯

論道談經殆炎漢虎觀金華之比 聽朝決事兼汴都延和崇政之名

六一泉舊聯

湖兩山孤此處有泉可漱也 天一地六先生自號無說乎

孤山放鶴亭上有巢居閣道光元年重建閩省陳

望坡尙書若霖聯云

祠傍水仙王北宋尙留高士躅 樹成香

雪海西湖重見古時春

又朱上林聯

梅鶴寄高閒遺臺千秋笑司馬 湖山寫

清冷寒泉一掬拜坡仙

又吳廷琛聯

華表千年遺蛻可聞玄鶴語 孤山一角

暗香先返玉梅魂

又方應論聯

山冷好教梅似續 巢深應有鶴歸來

又桐城吳芝瑛女史集陶一聯云

斯人亦云逝 寒華徒自榮

林文忠題林處士祠梅亭聯

世無遺草真能隱 山有名花轉不孤

西湖西爽亭太乙宮故址徐花農觀察聯云

孤山樹合仙人宅 太乙光分處士家

又鄒德寶集句題西爽亭聯

白首臥松雲先生有才過屈宋 茅亭宿

花影故鄉無此好湖山

郭尙先題西湖聯

到處溪山如舊識 此間風物屬詩人

烟霞洞聯

偷他日蠟屐重來須記取山中松徑 攜

一片紅雲歸去莫錯認世外桃源

宋錢曰父有書莊在西湖九里松其故址已不可

攷阮文達撫浙時曾仿爲之於靈隱寺華嚴閣

後創建一閣取四部書各種度置其上命僧守

之石琢堂廉訪韞玉題聯云

著作集名流好事數當年白傳 文章留

慧業賞音俟後世揚雲

朱竹垞先生驅書亭中汪舟次檢討楫集杜句云

會須上番看成竹 何處老翁來賦詩

台州之東湖猶杭州之西湖出東郭門不過半里

湖光山色與西湖無異隔以長隄分裏外湖其

外湖有湖心亭傑閣三層登臨最勝俞曲園先

生聯云

好好山出東郭不半里而至 宜晴宜

古今聯語彙選初集 名勝一

雨比西湖第一樓何如

浙江紹興之東湖有聯云

此是山陰道上 如來西子湖邊

又湖之飲淥亭有東湖居士陶澐宜聯云

江空欲聽水仙操 壁立直上蓬萊峯

又聯

聞木樨香否 知游魚樂乎

又東湖有仙桃洞下臨深淵作深碧色相傳有

仙桃樹無定處花無定時洞旁有聯曰

洞五百尺不見底 桃三千年一開花

烟雨樓在鴛鴦湖中乾隆時翠華六幸咸豐庚申

燬於兵燹亂後歷年興築雖樓未復而堂廡

亭榭俱備皆善化許雪門太守經營之許有聯

三十一

云

讀竹垞歌兩岸漁莊蟹舍 記梅村曲扁

舟楊柳桃花

又郭意城贈許聯

小別西湖恰來此地看烟雨 相逢南浦

同上高樓話水雲

嘉興木覺寺中有空翠亭乃唐僧初夢建寺時故

蹟又有三過堂壁有坡公三詩石刻蓋坡公嘗

三過此堂詩見集中其前楹有唐石幢二高二

丈許偉材也阮文達有題句刻石柱云

惟唐代二幢是峨眉山人未過前屋 此

壁上三律乃空翠亭僧初夢時詩

烟霞洞外有蘇龕舊刻財神像光緒三十年丁修

甫先生議改爲東坡名流皆贊成之儀徵時蓬

仙觀察爲之聯云

錢如真可通神此座巍然何不與烟霞終

古 石也有時變相長公仙矣莫非是香

火前緣

西泠蘇小墓聯

桃花流水杳然去 油壁香車不再逢

又皮淋集句聯 桐城鐵冶居士題墓旁一亭

曰墓才亭

湖山此地曾埋玉 花月其人可鑄金

又孔惠集句聯

花鬢柳眼渾無賴 落絮遊絲亦有情

浙江蓬萊閣在紹興府城山上有聯云

桑柘幾家湖上社 芙蓉十里水邊城

張園池上樓在溫州東山之麓與謝公池相接梁

苴隣題聯云

面壁拓幽居一角永嘉好山水 築樓存

古意千秋康樂舊池塘

也頗和尚題子陵釣臺聯

肯將白水兩朋友 換取東京一大夫

原书空白页

名勝二

鳳陽誰樓聯

相陰陽度原隰想前朝艱業艱難只贏得
陵寢盤空江淮帶郭黍離離滿目舊山河
伊何人斯頓傷心於青袍白馬 省刑罰
薄稅歛沐當代深仁浩澤試看那閭閻撲
地舸艦迷津瑞藹藹一天新雨露登斯樓
也豈徒觀乎綠樹紅雲

相傳王漁洋手筆無從考實玩其口吻不外守此
邦之長官所作鳳陽爲朱明發祥之地陵寢在焉
作者身際滿清之時頗難著筆乃以委婉出之極
沈雄得體

予廣前意亦題一聯云

古今聯語彙選初集

名勝二

王孫不歸芳草何曾歇 城郭猶是白雲
無盡時

安慶城外之大觀亭祀余忠宣公雄壯甲於皖江

汪恩一聯云

跨太白樓之上鷺瓦排雲倚畫檻一味鄉
愁已漸近鍾阜晴嵐六朝城郭 橫彭蠡
江而西鷺濤堆雪喚沙鷗共談宦跡最難
忘峨眉春水萬里風帆

汪吳人曾官四川此聯乃守安慶時所作

又陶沅聯

倚檻蒼茫千古事 過江多少六朝山

又安慶李振鈞聯

秋色滿東南自赤壁以來與客泛舟無此

樂 大江流日夜問青蓮而後舉杯邀月
更何人

又合肥周行原聯

城郭如故人民非曾否靈歸華表 風景
不殊河山異繫誰淚灑新亭

亭下有余公墓元余忠宣公關殉難處

又丹徒李丙榮聯

傑閣四牕開地阨中原控吳楚 忠魂一
坏在大留正氣壯山河

又清泉王之春聯

忠宣本往代蓋臣試看芸史留芳古木寒
泉猶是當年祠墓 逸少乃吾宗才俊爲
問蘭亭雅集茂林修竹何如此地江山

又滇南朱家寶聯

憑高弔幽國英靈任千古江湖淘不盡孤
忠魂魄 攬勝憶滇池傑閣對八公烟景
問何如故里湖山

又彭剛直聯

五千年皖公何在地接東南消除浩劫選
勝快登臨儘鶴唳丹霄鷗盟黃浦拓此一
亭佳景盪滌智襟寄語墨客騷人莫孤負
新秋風月 卅六載賤子重來天開圖畫
俯仰狂吟憑欄休感慨看龍巒疊翠鷓嶼
浮青騁我百戰壯懷放開眼界收覽練湖
灞嶽依然是舊日山河

公生於桐城梁園司巡檢署中公父爲巡檢公之

外祖父母均由公遷葬西門外在此亭後面故聯

中有重來語

又儀徵陳彝聯

我輩復登臨遠挹余公近思彭老 大江

流日夜東趨溟海北拱神京

又壽州王珊森聯

莽乾坤能得幾人閒且安排鐵板銅琶唱

大江東去 好風月不用一錢買休孤負

青山紅樹送爽氣西來

又寧都彭廣鍾聯

高閣嬾滕王遙看秋水長天猶指點雲中

鄉樹 荒臺鄰皖伯試問銅駝石馬經幾

多眼底滄桑

又黃巖吳寶楨聯

鳳水龍山江左人文相望 吳頭楚尾中

流形勝在茲

又新建吳坤修聯

地隔中原勞北望 天生江水向東流

又潁州程從周文炳聯

片土寄忠魂聽檻前萬馬江聲滾滾驚疑

征鼓動 孤城銷戰氣指窗外二龍山影

蒼蒼飛入酒杯來

又楚南岳百川陸東聯

東流江海匯攬此地一亭風月休忘卻幾

輩鄉賢百戰餘生鷓鴣千軍雄劍淚 南

宋古今悲拚吾家兩字精忠莫撐起中原

孱局九州大錯龍巖萬派怒潮聲

又句容王月莊履康聯

天開圖畫美盡東南落日咽孤忠戰血腥
餘千載後 魯酒不溫高丘反顧歌風思
猛士江流倒捲萬山來

原跋辛亥游皖皖心期月旋復他易勞勞屢線殊
無懼賴去皖之日同人譟集於此獲展拜余忠宣
公墓元季不綱盜賊遽起公以隻身堵挂兵盡援
絕卒以戰歿疾風板蕩良足哀已斯亭之存謂爲
因公而傳庶幾近似否則登玩所恣亦僅託諸韻
事於興亡休戚固無與也云云

又合肥李小庄國樸集句聯

我輩復登臨舊業已隨征戰盡 大江流

日夜天風常送海濤來

又金壇馮煦題大觀亭側望華樓聯

來日大難對此茫茫百端集 英靈不昧
覽茲蹇蹇匪躬愚

原跋安慶城西北隅有大觀亭元余忠宣殉節處
也墓在其下丁未仲春復建樓五楹爲游憩之所
題此聯以詔來者忠宜有知或不以余言爲河漢
耶

望華樓匾額跋

光緒戊申秋七月上浣用杜甫秋興詩句以名茲
樓願瞻北斗宵勞我心金壇馮煦書并識

又阮仲明聯

大江東去看駭浪驚濤千古英雄淘不盡

匹馬南來問豪情壯志一亭風月拓奇觀

大觀亭側新築一樓爲徐錫麟烈士建有某君題

聯

登百尺樓看大好江山天若有情應識四方思猛士 留一坏土以爭光日月人誰不死獨將千古讓先生

李笠翁題廬山絕頂聯

足下起祥雲到此者應帶幾分仙氣 眼前無俗障坐定後宜生一點禪心

阮文達江西百花洲集句聯

楓葉荻花秋琴瑟 閒雲潭影日悠悠

或云此係舊句非文達集成者

古今聯語彙選初集 名勝二

小姑嫁彭郎本世俗附會之事小姑山頗復有小姑梳妝樓有聯云

有美一人中夜聞五銖環珮 遺世獨立

下游俯兩點金焦

南昌滕王閣大門有一匾云仙人舊館闔省李春

園太守其宴所題姚鐵松中丞棊初澈任見匾

極稱賞嘗向太守乞此匾改題己名太守不可

乃語太守區不見讓須爲我別撰一聯如不佳

仍須讓區也太守於次日卽呈聯句云

我輩復登臨目極湖山千里而外 奇文

共欣賞人在水天一色之中

上聯用韓昌黎記語下聯用王子安序語也中丞

大加擊節遂寢前說

五

又阮文達聯

帝子長洲仙人舊館 將軍武庫學士詞

宗

又宋牧仲聯

依然極浦遙天想見閣中帝子 安得長

風巨浪送來江上才人

又此閣于同治間重建劉峴莊制軍題聯云

興廢總關情看落霞孤鶩秋水長天幸此

地湖山無恙 古今纔一瞬間江上才人

閣中帝子比當年風景何如

又王龍軒廉訪聯

鳴鸞畫靜畫蝶春融當年文采風流雨捲

雲飛餘勝賞 乘鶴樓高燃犀渚迥是處

江山輝映詩成酒熟待才人

又裘可亭恕聯

隔岸眺仙蹤問樓頭黃鶴天際白雲可被

大江留住 繞闌尋勝蹟看樹外烟波洲

邊芳草都憑傑閣收來

又某君登滕王閣憑眺大江具有壯闊之意有

感而作一聯云

地闊天空山高月小 龍吟虎嘯魚躍鳶

飛

曾文正江西吳城望湖亭聯

五夜樓船會上孤亭聽鼓角 一尊濁酒

重來此地看湖山

又彭剛直聯

戰艦列千軍想當年小喬夫婿破浪乘風
多少雄姿英發今我戣船來繫跡弔古憑
闌歎幾許事業興亡祇贏得殘灰劫火
湖天開一碧看此日大地山河落霞孤鶩
無非活潑生機誰家鐵笛暗飛聲悲歌擊
筑把那些滄桑感慨暫付與芳草斜陽

又某什聯

地以人傳溯自周郎習戰蘇子題詞仙吏
將才千古各成奇跡 天留我住放教彭
蠡風帆匡廬瀑布水光山色一時都入壯
觀

又某君聯

五六年征討一條還十段景烏能屋止應

古今聯語彙選初集 名勝二

無忘將軍韜略宰相經綸 三百里幅輳
遠廬阜近邾亭雁帶秋來胡勿效江上琵琶閣中賓主

又馮展雲中丞督學江右將回京題望湖亭聯

東下壯軍聲橫槩高歌遙想一時豪傑
北歸停使節落帆小泊閒看千里湖山

曾文正曾駐師於此故上聯云云

望湖亭側鴻雪軒馮子良太守聯

新舊十年行館雨 雌雄幾輩過江風

又吳竹莊方伯聯

萬頃湖光浮日月 一樓山色變雲烟

又馮展雲中丞聯

泥雪人生幾鴻爪 津亭詩句萬牛毛

七

又曹汝珊太守聯

又迴瀾閣主聯

客已倦遊偶然小住湖山便欲乘風歸去
人生如寄留得現前指爪不妨踏雪尋
來

曾文正江西奉新縣九天閣聯

清風明月不須買 近水遠山皆有情

百戰山河賸此樓頭煙樹 九天珠玉吹

又聯

成水面文章

偶夢掠過雲鶴影 未秋先送木樨香

九江煙水亭在九江西南隅外甘棠湖中面對廬

又聯

嶽風景佳絕陳次亮節郎熾聯云

紅雨一春簾外水 青山六代畫中詩

勝蹟表宮亭况却當廬阜南橫大江東去

又聯

平湖滿烟月誰補種四圍楊柳十里荷

道是當年舊烟月 好將勝地記湖山

花

又聯

宮亭即彭蠡湖舊名

四大皆空但見湖山雙畫舫 萬籟俱寂

忽聞水上一聲鐘

又聯

一亭直鎖湖心月 雙劍橫磨水面風

對面廬山有雙劍峯故下聯云云

瑞州府治後有鳳凰山山之左有東軒乃蘇文定

公職調筠州監酒稅時所建瑞州在宋時爲筠

州也翁覃溪爲補題東軒二字額並爲之記

集蘇詩爲聯云

天下幾人學杜甫 當時四海一子由

萬象周選拔才美題九江琵琶亭聯

聚散總前緣最相宜明月一船清風兩岸

古今幾名士合共唱大江東去秋雁南

來

古今聯語彙選初集 名勝二

洪稚存題九江庾樓聯

半壁江山六朝雄鎮 一樓風月幾輩傳

人

同治時蓮根和尚題石鐘山坡仙樓聯

嶺上梅子熟未 坐中木樨香乎

瑞莘儒題揖翠亭聯

楓葉荻花秋瑟瑟 迴崖疊嶂凌蒼蒼

上聯琵琶行下聯廬山記

端午橋題揖翠亭聯

絕頂共攀躋江上琵琶向誰語 五峯相

揖讓山中雲物待吾開

南昌對河三村每逢春季桃李甚盛辛亥年新築

一亭爲游人休息之地婺源江湘嵐觀察聯云

九

背水建亭休對綠波吟別賦 爲花請命
願從蒼昊乞春陰

又聯

繡浦接三村微聞帆槳輕柔時有美人渡
江去 仙源環九曲喜見河山清晏料無
畸士避秦來

譚子嶽題袁州宜春臺聯

宜畫宜詩看如此山川應封帝子 春來
春去歷幾多興廢又建高臺

袁州爲明代封藩之地故云

辛亥武漢首義九江響應馬元良毓寶出任都督

厥功甚偉癸丑就延支山之掛廬亭改爲光復

紀念亭迴瀾閣主人集唐句題聯云

我輩復登臨壺觴須就陶彭澤 羣公有
慚色勳業終歸馬伏波

熊香海代擬九江光復亭聯

掃盡烟雲現出匡廬眞面目 挽將逝水
認明禹甸舊源頭

湖北象山伯牙琴臺聯

志在高山志在流水 一客荷樵一客聽
琴

又黃獻卿聯

道旁樵客何須問 琴上遺音久不傳

胡文忠題黃鶴樓聯

黃鶴飛去且飛去 白雲可留不可留

陳慶雲軍門國瑞助修斯樓亦有聯云黃鶴飛去

且飛去白雲可殺不可留亦復奇氣咄咄

又岳陽方維新聯

對江樓閣參天立 全楚山河縮地來

又彭剛直聯

心遠天地寬把酒憑欄聽玉笛梅花此時
落否 我辭江漢去推牕寄慨問仙人黃
鶴何日歸來

又張文襄聯

江漢美中興願諸君努力匡時莫但賞樓
頭風月 輜軒訪文獻記早歲放懷游覽
曾飽看春暮烟花

又聯

昔賢整頓乾坤締造都從江漢起 今日

古今聯語彙選初集 名勝二

交通文軌登臨不覺亞歐遙

又李文忠聯

數千里奔湍激浪到此樓前公暇一憑闌
江漢雙流相映照 十餘年人物英雄悅
如夢幻我來重訪鶴滄桑三度記曾經

又曾穉施山聯

白雲黃鶴四顧蒼茫有好詩傳九百年前
樓閣重新誰更上 詞客神仙一流人物
看東湖在三千里外海潮不到我能來

又孝昌陳寶餘德慶聯

一枝筆挺起江漢問到最上層放開肚皮
直吞將八百里洞庭九百里雲夢 千年
事幻在滄桑裏是真才人自有眼界那管

十一

他去早了黃鶴來遲了青蓮

又端午橋集句聯

我輩復登臨昔人已乘黃鶴去 大江流

日夜此心常與白鷗盟

又陽湖許太眉寄題聯

江遙問黃鶴 嶺上多白雲

距鄂游將十載矣予曩曾寄題黃鶴樓一聯如

後今日裘筆依人猶是繞樹三匝景况也

銅琶鐵板大江東去 月明星稀烏鵲南

飛

又舊聯

大江流日夜 明月照高樓

晴川閣與黃鶴樓隔江對峙而游人題句不及黃

鶴樓之多有李拔集經語一聯以大字磨崖云

沱潛既道 江漢朝宗

又蕭德宣集詩句聯

漢口夕陽斜度鳥 楚江燈火看行船

又陳望之中丞淮聯

靈瀆走雙龍夾岸直疑銀漢落 仙蹤杳

孤鶴隔江但有白雲來

又溧陽宋鎮新聯

棟宇逼層霄憶幾番仙人解佩詞客題襟

風日最佳時坐倒金尊却喜青山排闥至

川原攬全省看不盡鄂渚烟光漢陽樹

色樓臺如畫裏臥吹玉笛還隨明月過江

來

又張文襄聯

大陸龍蛇循軌道 青春鸚鵡起樓臺

閣名殆取晴川歷歷漢陽樹之意在龜山之麓鸚鵡洲相距十餘里登閣游眺宛然在日上聯暗指

鐵軌告成

又某君聯

山勢西分巫峽雨 江流東壓海門潮

又聯

幾處早鶯爭暖樹 誰家玉笛暗飛聲

又聯

高閣逼天紅日近 一川如畫晚晴初

予用快哉亭記語寄題快哉亭一聯云

濤浪風雲今乃得玩几席之上 悲傷憔悴

古今聯語彙選初集 名勝二

悴面自放於山水之間

太白樓聯

薦汾陽再造唐家並無尺土酬功只落得
采石青山供當日神仙嘯傲 喜妃子能
讓學士不是七言感怨怎脫去名縉利鎖
讓先生詩酒逍遙

又吳山尊學士聯

謝宣城何許人只憑江上五言詩要先生
低首 韓荆州差解事肯讓階前盈尺地
容國士揚眉

或云樓係一守一令重葺守姓謝令姓韓山尊特

借以寓意云

又李孚青聯

十三

脫身依舊仙歸去 撒手還將月放回

俗傳太白捉月而死故云

又有集太白句聯

江空欲聽水仙操 壁立直上蓬萊峯

又胡書農學士聯

公昔登臨想詩境滿懷酒杯在手 我來

依舊見青山對面明月當頭

又聯

我輩此中惟飲酒 先生在上莫題詩

又聯

對面青山似解人 凡我輩登臨莫向班門
去弄斧 願把長江當作酒讓先生痛飲

可能醉後再題詩

又道光丙午黃翠士泊舟翠螺山下題聯

侍金鑾謫夜郎他心中有何得失窮通但
隨遇而安說甚麼仙說甚麼狂說甚麼文
章聲價上下數千年祇有楚屈平漢曼倩
晉陶淵明能髣髴一人胷次 踞危磯俯
長江這眼前更覺天空地闊試憑闌遠望
不可無詩不可無酒不可無奇談快論流
連四五日豈惟牛渚月白紵雲青山烟雨
都收來百尺樓頭

郭頤石題資江南岸裴公亭聯

代裴公稱一日主人風月江山與此老平
分千古 到石上問三生舊跡宰官仙佛
想當年定許重來

黔縣程伯敷廉訪鴻韶代李文忠題亂後重建赤

壁二賦堂聯

前後二赤壁曾留妙墨鎮斯堂今茲大廈
重支月白風清思賦手 蘇胡兩文忠並
以翰林官此地我亦連圻忝領山高水落
想先民

時平寇功成胡文忠已薨大廈重支隱然自負合
肥兒之極嘉賞饋以佳釀數餅程曰有酒無肴歸
而謀諸婦矣相與鼓掌大笑後李歿亦證文忠可

稱聯識

孔祥霖題施南明月臺聯

地留明月臺去謫仙一千四百載 時有
觀風使爲孔子七十五代孫

古今聯語彙選初集 名勝二

張文襄題施南問月亭聯

亭如人好 月比山高

何子貞題仙棗亭聯

千年仙棗不留核 五月落梅猶有花

段芝貴題奧略樓聯

放眼看江山無限白雲都過去 題詩問

鸚鵡何年黃鶴復歸來

衡山遠在南服讀衡嶽志一冊亦絕少佳聯錄其

詞旨莊雅足與靈山相稱者有聯云

居艮位而踐離躔溥雷池風穴之功柱鎮
天南斗橫地北 列三公而配四嶽標月
館露臺之勝帆隨湘轉鴈到峰回

又聯

十五

望望七十二峰工部游時詩聖有誰能繼
響遙遙一千餘載文公去後嶽雲從此
不輕開

衡山羅漢洞有人題聯云

洞口開自那年吞不盡瀟湘奇氣 巖腹
藏些何物怕莫是今古牢騷

寶慶之雙清亭卽雙江亭之訛音在郡高廟廟居

衆山之巔亭建廟之一隅前瞰空江下臨百級

危岩峭壁頗具奇觀較該郡之六嶺尤爲特出

登者殊有置身雲外之想亭額大河前橫四字

有聯云

把酒滌煩襟任天涯草綠世界塵紅此心
澄似雙江水 憑闌舒畫眼看遠浦帆檣

夕陽城郭勝概多於六嶺春

又聯

雲帶鐘聲穿樹出 風穿塔影過江來

桃源縣濱江有潭德關某撰聯云

大塊煥文章白雲在天滄波無際 春風
煽淑氣雜花生樹羣鶯亂飛

湖南岳陽樓聯

四面湖山歸眼底 萬家憂樂到心頭

又畢秋帆聯

湘靈瑟呂仙杯坐攬雲濤人宛在 子美
詩希文筆笑題雪壁我重來

又胡文忠聯

杜老乾坤今日眼 范公憂樂昔人心

又何子貞聯

一樓何奇杜少陵五言絕唱范希文兩字
關情滕子京百廢俱興呂純陽三過必醉
詩耶儒耶吏耶仙耶前不見古人使我愴
然涕下請君試看洞庭湖南極瀟湘揚
子江北通巫峽巴陵山西來爽氣岳州城
東道巖巒瀦者流者峙者鎮者此中有真
意問誰領會得來

又吳敏樹聯

乾坤吳楚雙開眼 廊廟江湖一倚樓

又李秀峯聯

蒼茫四顧俯吳楚剩水殘山今古戰爭場
只合吹鐵笛一聲喚醒滄桑世界憑弔

古今聯語彙選初集 名勝二

千秋問湖湘騷人詞客後先憂樂事果誰
抱布衣獨任擔當日夜乾坤

時當洪楊亂後滿日荒涼弔古傷今感慨無限

又聯

呂道人太無聊八百里洞庭飛過去飛過
來一個神仙誰在眼 范秀才亦多事數
十年光景甚麼先甚麼後萬家憂樂總關
心

又聯

放不開眼底乾坤何必登斯樓把酒 吞
得盡胷中雲夢方可對仙人吟詩

又李黃軒聯

十七年江漢樓遲壯心未已世事等浮雲

十七

願將玉笛數聲吹醒黃梁舊夢 四千里
慈帷遠隔寸念俱灰神仙如可接好乞金
丹一粒長生白髮老人

南皮張文襄總督兩湖時遊岳陽樓見黃軒聯大
賞愛之舉二百金賜之並保以道員留湖北補用

又義寧徐小穀侍清集句聯

洞庭西下八百里 淮南南來第一樓

三醉亭聯

一月二十九日醉 百年三萬六千場

長沙定王臺爲西漢長沙定王所建以望其母后

者在城北隅中有夢園有聯云

白水孕靈源高帝子孫自來龍種 夢園

崇孝思賢王臺榭永鎮熊湘

四面雲山都在眼 萬家煙火最關心

天心閣在長沙東南隅倚垣而起凡三層頗窺形
勢相傳城內多火災建閣後其患遂息聯云

岳州城北門內有小喬墓封高丈許四周登以石

繞以迴廊上有女貞樹古色蒼然繁蔭施其上

墓門有小喬墓三字陸伯奏學使寶忠所書適

秀可愛旁有懽軒爲遊者憩息地取孫策謂周

瑜二喬雖流離得吾兩人亦足相懽之意軒中

題聯甚多茲擇錄其佳者張濬聯云

芳冢弔斜陽一樹女貞長不死 大江流

日夜千秋環佩可歸來

又蔡乃煌聯

漢昌奉邑岳陽將臺夫婿昔登壇橫槊南

來消霜氣 楚冢新封吳宮冷劫阿姨誰
薦食大江東去有餘哀

又吳樹楷聯

姊妹花殘青草湖邊雙斷雁 瓊環月冷

紫藤牆外有啼鶯

又李秀峯聯

銅雀鎖春風可憐歌舞樓臺千古不傳奸
相冢 杜鵑啼夜月也爲英雄夫婿三更
猶弔美人魂

又章之峻聯

拂絃顧曲話周郎竟能赤壁嬰兵恨消銅
雀 同穴湘山羨妃子撫此東吳塚土望
斷姊歸

古今聯語彙選初集 名勝二

又劉士清聯

戰士久無家赤壁清風蘇子賦 佳人猶
有冢黃陵芳草杜鵑啼

又梁殿鈞聯

夫婿是英雄雖香閨妙解談兵籌策無煩
內助 名姝隆際遇喜良人才高顧曲唱
和別有知音

又陳詒荪聯

巴戍人空悲夜雨 女貞木落弔秋風

又聯

銅雀有遺悲豪傑功隨三國沒 紫鷓無
限恨瀟湘月冷二喬魂

又聯

十九

故國神遊香草遠 雄姿人去大江東

又聯

小院關從今對馬鬣 一坏秋風酒醉湖蘋
白 大姨渺何處獨蛾眉 千古春雨香留
藁草青

又聯

古木猶傳貞女意 名山不道小姑歸

有別號悔公者謂近今聯語多失之庸失之易

自梁章鉅後應革命者久矣湘鄉不作此調
之彈殆無餘子云云悔公所作皆憂憂獨造

其題小喬墓聯云

銅雀算老瞞安樂窩竇履晚無聊一世雄
盡美人亦盡 洞庭是夫婿戰利品埋香

茲有託三分鼎亡坏土不亡

又聯

世界已非唐虞近接叢祠生喜有鄰傍舜
婦 英雄不及兒女虛傳疑冢死憐無地
葬曹瞞

桃花源山中風景佳絕聯語極多佳者錄如下

有無名氏聯云

說甚神仙看千年石洞開時城郭人民還
是耕田鑿井 閱成今古聽半夜金雞叫
醒興亡秦漢都歸流水桃花

又李某聯云

無怪倏爾而秦倏爾而漢到此地小坐片
時便成日暮 看來何必有洞何必有花

與諸君清談半晌卽是神仙

又麻維緒集中與碑字聯

磨鐫六代斯文在 歌呼四山明月生

又勞鳴助集句聯

爲聞廬嶽多真隱 別有天地非人間

又余良棟聯

絕境此何來 版圖原非劉氏土 避秦意

休問世家原屬晉時人

又曾昭寅題桃花源水亭聯

村舍儼然笑漁人迷不得路 水源宛在

偕太守常來問津

又李維丙聯

洞關幾時問桃花而不語 亭蹲一角對

古今聯語彙選初集 名勝二

潭水以懷清

又無名氏題桃花源窮林橋聯

水流花放 路轉峯回

又巖村集句聯

山鳥似猶啼往事 桃花依舊笑春風

又辛丑七月巖村淹迹桃花源題延玉館聯

非一個漁夫到來漏言不知劉項寧知魏

晉 願諸公貴人相對飲酒但話君臣莫

話神仙

又題伴霞亭聯

竊怪當日仙人獨思漁父 徧尋此中村

落不見桃花

又題西笑堂聯

二十一

神仙有無花不語 秦漢興廢山旁觀

又題襯秀軒聯

問俗已非避秦世 愛奇願作住山僧

又題問津亭聯

漁父不來桃花何處 空亭獨坐流水自

開

澧州南樓雄跨城堞爲郡中登覽第一名區朱貞

白題聯云

八百里秋水洞庭泝源此近 二千年美人

香草把筆誰來

又巖村聯

屈子不作宋玉云亡浩浩登樓人高風誰

嗣昔賢踵 彭山控前岷江帶後泱泱大

國楚茲郡實稱天下雄

田東溪題慈利縣亞門關聯

扼九澧上游試飽看零山澗水 請諸君

小坐與細談秦塞漢關

又巖村聯

一夫常關萬夫頓轡 五里爲堠十里置

亭

又聯

四塞雄關跨樓吞澧 一山亂石走雲連

風

又聯

守險說一丸泥封關由漢而晉而唐而宋

而明閱二千年割據興亡獨此山無恙

登高看五大洲變局曰亞與歐與澳與非
與美合九萬里縱橫掃蕩倘我后有靈

津市灑水有禮東第一樓樓凡三層跨市臨灑氣

象特壯闊徐真園有集句聯云

我欲臨風把酒獨懷千載上 又東至灑
出門一笑大江橫

四川天回鎮以唐明皇幸蜀返蹕駐此因名驛亭

中以李青蓮句爲聯云

地轉錦江成渭水 天迴玉壘作長安

楊宗蔚題四川望江樓聯

漢水接蒼茫看滾滾江濤流不盡雲影天
光萬里朝宗東入海 錦城通咫尺聽紛
紛絲管送來些鳥聲花氣四時佳興此登

古今聯語彙選初集 名勝二

樓

又顧復初聯

引袖拂寒星古意蒼茫看四壁雲山青來
劍外 停琴竚涼月予懷浩渺送一篙春
水綠到江南

四川嘉定府外有凌雲山山下凌雲寺爲坡公少

年讀書處有樓梁坡公少時像山甚峻樓前即

大江寺門外有集句聯時稱其渾成切實聯云

千青雲而直上 障百川而東之

薛濤井在成都東門外望江樓畔武介康明府題

聯云

古井冷斜陽問幾樹枇杷何處是校書門
巷 長江橫曲檻賸一樓風月要平分工

二十三

部祠堂

又何子貞紹基聯

花箋茗椀香千載 雲影波光活一樓

何紹基題蘇公讀書臺聯

江上此臺高問坡穎而還千載讀書人幾箇
蜀中遊跡遍看嘉峨並秀扁舟載酒我重來

四川伏龍觀八角亭有集陸放翁句爲聯云

千年雪嶺欄邊出 萬里雲濤坐上浮

顧復初集句題古柏亭聯

柯如青銅根如石 花爲四壁船爲家

川南第一橋聯

風月無邊長安北望三千里 江山如畫

天府南來第一州

高曉宇升之代景時賜題杜公草堂聯

十年幕府悲秦月 一卷唐詩補蜀風

又顧復初聯

異代不同時間如此江山龍蟠虎臥幾詩客
先生亦流寓有長留天地月白風清一草堂

又沈文肅任蜀藩時題一聯云

地有千秋南來尋丞相祠堂一樣大名垂宇宙
橋通萬里東去問襄陽耆舊幾人相憶在江樓

草堂之東有萬里橋故云

又象子民聯

詩史數千言秋天一鶴先生骨 草堂三

旁人錯比揚雄宅 日暮聊爲梁甫吟

五里春水羣鷗野老心

又王湘綺聯

四川桂湖有曾文正一聯自注云癸卯九月使旋

過新都縣張宜亭大令邀遊桂湖爲明楊升

自許詩成風雨驚爲平生硬語愁吟開得

庵傷址約廣三百畝皆荷花綠隄皆桂樹張君

宋賢兩派 莫言地僻經過少看今日寒

葺修樓閣頗不俗酒罷因題聯語云

泉配食遠同吳郡三高

五千里秦樹蜀山我原過客 一萬頃荷

又某君集句聯

花秋水中有詩人

萬里橋西宅 百花潭北莊

又劉景伯聯

又杜公草堂獨立樓集句聯

故里望魂歸豈知仙客迴翔兩地雲山皆

卽今耆舊無新詠 何處老翁來賦詩

若寄 羈臣猶血食誰念敬皇父子二陵

又集句題祠內恰受航聯

風雨不勝寒

孤城返照紅將斂 仙侶同舟晚更移

又費道純聯

又杜公神龕集句聯

宛在水中央聚千古名士忠臣人兩箇

生成香世界看滿湖春風秋月花四時

又某君聯

秋色橫眉桂樹叢中招隱士 湖光照面

荷花香裏坐詩人

顧嘉衡守南陽時與藩司陳某不洽使離任及陳

去而繼陳者爲朱壽鏞氏知顧冤又使回任顧

因題臥龍岡一聯以寄慨聯云

陳壽何人也評論先生長短 文忠特筆

爲表明當日孤忠

長老坪爲相嶺最高峯上有凍雪卷一座憑高望

遠萬里可窮絕壁森然下臨無地清澗張知事

題聯曰

萬里風煙會當凌絕頂 空山草木前不

見古人

跋語略云大相嶺綠武侯南征駐軍得名岳公鍾

琪平藏經此真祠以祀遠略相輝民國元年來此

土半壁西南邊氛屢警登高遐想漫題志感

廣州白雲山有亭聯云

海上生明月 山中有白雲

半山亭在羊城白雲山爲郡中第一勝地梁士竹

紹壬題聯云

上方月出初生白 下界塵飛不染紅

粵東鎮海樓在粵秀山之左洪武初永嘉侯朱亮

祖所建以壓紫雲黃氣之異者也樓五層高八

丈許上矗雲漢康熙二十五年重建有聯云

百千劫危樓尙存問誰摘斗摩霄日空今

古 五百年故侯安在祇我倚闌看劍淚
灑英雄

珠江之側有亭爲譚賞之地聯云

羣賢畢至少長咸集 清風徐來水波不
興

潮州西湖山在城之西以山臨西湖故名亭臺高

峙怪石巉峨惠潮嘉道蔣厚傳題某亭一聯云

湖名合杭穎而三水木清華惜不令大蘇
學士到此 山勢分郊郭之半樓臺金碧
還須倩小李將軍畫來

廣東粵秀山三君祠祀三國虞仲翔唐韓昌黎宋

蘇東坡蓋三君皆以遷謫來粵者張文襄有聯

云

古今聯語彙選初集 名勝二

江湖忠悃三遺事 嶺表人文百世師

明洪武初孫仲衍賈王彥舉佐李仲修德黃庸之

哲趙伯貞介諸先生結社羊城南園抗風軒法

宋元之習以上追三唐是爲南園前五子越嘉

靖開復有歐楨伯大任梁公實有譽黎惟敬民

表吳而待且李少僭時行諸人踵前五子之志

復開抗風軒以振南園之風是爲南園後五子

粵東前此有五先生祠迨張文襄督粵始建十

先生祠並撰聯云

詩如大曆十才子 園似將軍第五橋

廣西節署之東南隅有銅鼓亭度大銅鼓一壁嵌

謝蘿山錢裴山二先生銅鼓詩石刻其上有樓

因呼爲銅鼓樓地勢最高宜於登眺桂林千峯

二十七

百障盡在眼中其後樓漸剝影梁蔭隣澁任之
明年捐俸重修並拂拭銅鼓時幕府諸君皆能
詩因共和謝錢韻張其事倥傯亦以次繼聲遂
有銅鼓聯吟集之刻蔭隣因憶前人有筇山谷
東坡句者爲聯云

全以山川爲眼界 故應賓主盡詩人

獨秀峯爲桂林主峯上有五詠堂梁蔭隣集孟浩
然張謂句一聯云

戶外一峯秀 窗前萬木低

桂省疊綵山在桂山之東周覽萬象歷歷可數有
景風閣唐元常侍晦建亭於此賦詩游譙梁甚
隣中丞集句聯云

粉牆丹柱動光采 高崖巨壁爭開張

桂省虞山又名舜山有虞帝廟臨灘水處特高上
有亭曰南薰亭下有唐時舜廟碑亭之旁有堂
三楹灘江諸勝目可攬擲遙望前江數里外有
山平遠者爲堯山桂林八景有堯山積雪卽此
堂之下爲薰風洞堂間有聯云

是處薰風來舜洞 有時積雪見堯山

陽朔城西南北皆山就山闕處小築雉堞惟東城
臨江城垣長二里許西門外數峯最佳北門則
就崖家巖而城之巖之凹已高數百級其外甚
荒僻東門城樓額曰幟山樓清流映帶隔江諸
山環拱爲此城登眺之所吳縣王大令亦曾聯
云

簪山帶水最奇處 風戶雲梁獨上時

疊嶂山風洞之背高處多如仙佛龕座洞外覆屋

三檀梁窗隣中丞聯云

金碧煥樓臺遠眺盤龍近招白鶴 煙雲
生几席風來北牖亭對南薰

又張詩餘聯

灘江酒綠招涼去 常侍詩清賞雨來

姚若虛題縣訪蘇亭聯

萬里赴瓊儋夜起江心弄明月 一亭撫

笠屐我從畫裏拜先生

又梁莖隣聯

公是孤臣明月扁舟留句去 我爲過客

空江一曲向誰彈

汪仙圃太守炳欽題貴陽南明河翠微閣聯

古今聯語彙選初集 名勝二

半面江樓半面山樓書畫舫容我掀髯大

笑邀幾個赤松黃石白猿來一評今古

數聲樵笛數聲漁笛翠微天儘他拍手高

誦聽不真清風明月綠水引萬象空濛

又朱二亭先生聯

常倚曲闌貪看水 不安四壁怕遮山

雲崖洞在黃陽城西南郭巖壑深秀山水清幽阮

仲明集成句爲聯云

駿馬驕行踏落花春日路旁情數聲風笛

離亭晚 美人一咲奪珠箔南湖夜來雨

夕陽簫鼓幾船歸

貴陽南明河上觀風臺皆武侯及鄂文端駐兵處

地勢本高建築雄壯阮仲明題聯云

二十九

河上此高臺樽酒談兵漢武鄉駐師而還
塵世金戈傷往事 曲中聞折柳斜陽滿
樹鄂文端凱歌之後誰家玉笛暗飛聲

嬰學海題貴陽府治圖雲關聯

兩脚不離大道喫緊關頭須要認清岔路
一亭俯看羣山占高地步自然趕上前
人

孫髯翁題雲南昆明池聯

五百里滇池奔來眼底披襟岸幘喜茫茫
空闊無邊看東驤神駿西翥靈儀北走蜿蜒
南翔縞素騷人韻士何妨選勝登臨趁
蟹嶼螺洲梳裹就風鬟霧鬢更蘋天葦地
點綴些翠羽丹霞莫辜負四圍香稻萬頃

晴沙九夏芙蓉三春楊柳 數千年往事
注到心頭把酒臨風嘆滾滾英雄安在想
漢習樓船唐標鐵柱宋揮玉斧元跨革囊
偉績豐功費盡移山氣力儘朱簾畫棟捲
不盡暮雨朝雲使斷碣殘碑都付與蒼煙
落照祇贏得幾杵疎鐘半江漁火兩行鴻
雁一片滄桑

道光初阮文達總制滇黔見孫髯聯爲酌易數字

滇人嘖有煩言不久撤去文達云原聯以漢唐宋

元偉烈豐功總歸一空爲主豈不駭駭乎說到本

朝故改爲曩長蒙會遜到吳三桂身上云云今錄

改本如後

五百里滇池奔來眼底憑欄向遠喜茫茫

波浪無邊（原本作披襟岸幘喜茫茫空闊無邊）看東驥金馬西翥碧雞北倚盤龍南馴寶象（原本金馬作神駿碧雞作靈儀倚盤龍作走蜿蜒馴寶象作翔縞素）高人韻士惜拋流水光陰（原本作何妨選勝登臨）趁蟹嶼螺洲襯將起蒼厓翠壁（原本作梳裹就風鬟霧鬢）更嶺天葦地早收回蕩霧殘霞（原本作點綴些翠羽丹霞）莫辜負四圍香稻萬頃鷗沙（原本作晴沙）九夏芙蓉三春楊柳 數千年往事注到心頭把酒凌虛歎滾滾英雄誰在想漢習樓船標鐵柱宋揮玉斧元跨革囊饜長蒙酋（原本作偉烈豐功）

費盡移山氣力儘珠簾畫棟捲不盡暮雨朝雲便蘇碣苔碑（原本作斷碣殘碑）都付與荒煙落照（原本荒作蒼）祇贏得幾杵疎鐘半江漁火兩行秋雁一枕清霜（原本兩行鴻雁一片滄桑）

滇南黑龍潭距省垣二十里古稱名勝碩慶題聯

云

萬樹梅花一潭水 四時煙雨半山雲

滇中華庭寺亦勝跡也有楊升菴慎題聯云

一水抱城西煙靄有無拄杖僧歸蒼茫外
羣峰朝閣下雨晴濃淡倚欄人在畫圖
中

滇南省垣海心亭頗饒勝致黃足巖奎光題聯云

有亭翼然占綠水十分之一 何時開了

與明月對飲而三

福建省城烏山之海天閣高踞山巔遠眺閩江其

旁有古石刻二一爲海關一爲天空字大徑丈

閣爲陳公寶琛所建並撰聯云

海日宜晞髮 天風與振衣

又聯

登丘望海無涯思 摩石聽松一適時

距福清四十里有大小妃山相傳閩越王葬二妃

處上爲方廣巖有方廣三層不施片石爲宋黃

非熊讀書處有聯云

石室雲開見大地山川三千世界 水簾

風捲露半空樓閣十二闌干

邵武郡城中詩話樓祀嚴滄浪先生嚴本邵產也

朱幼芝郡丞景英聯云

千秋大雅扶輪手 一片寒泉薦菊心

園林

江西德化趙石谷先生光祚明末築甓山園樓于

兵相傳園中有一聯云

笑前賢許多祥麟威鳳 乃所願作個戰

馬耕牛

賈膠侯中丞有大園亭棄而不居改爲鄉館凡山

右名賢之客都門者皆得寓焉李笠翁贈以聯

云

未聞安石棄東山公能不有斯園賢於古
人遠矣 漫說少陵開廣廈彼僅空懷此
願較之今日何如

京師邵氏鄰居多花廠每當夕陽西下散步其間

微風忽來奇芳沁鼻花室楹聯有絕佳者集陶

古今聯語彙選初集 園林

靖節句聯云

春秋多佳日 園林無俗情

又集白香山杜工部句聯

幾處早鶯爭暖樹 頻來語燕定新巢

彭剛直題金陵也園聯

隔岸鶯啼垂柳綠 卷簾魚唼落花紅

薛慰農題秦淮楊氏停艇聽笛水閣聯

六朝金粉十里笙歌裙屐昔年遊最難忘
北海豪情西園雅集 九曲清波一簾夢
影樓臺依舊好且消受東山絲竹南部煙
花

道光初金陵有某大姓葺治水榭有客爲集宋人

詞句作楹聯贈之者聯云

波暖塵香看檻曲，縈紅簷牙飛翠。醉輕
夢短任燈前欹枕，雨外熏爐。

出語上四字玉田句下兩句白石詞也對語上四

字毛澤民句下兩句夢窗詞也

袁子才集句題隨園聯

放鶴去尋三島客，任人來看四時花。

又聯

此地有崇山峻嶺茂林修竹，是能讀三

墳五典八索九丘。

此聯爲隨園白撰揭於書齋汪容甫聞之卽馳書

訂期相見及期往袁不見汪知其出遊也語其僮

曰爾主人果在者吾將假其墳典丘索一觀也袁

歸僮以告遂撤其聯或謂此聯爲李鶴峯侍郎因

培所撰

金陵有名園袁簡齋令江寧時曾宴新入座諸生

於此後歸邢氏簡齋重遊此園題一聯以誌之

勝地怕重經，記當年絲竹宴，諸生回頭是

夢，名園須得主，幸此日樓臺逢哲匠，著

手成春。

秦潤泉學士請假南歸卜居於武定橋畔相傳爲

前明何尚書汝寵故宅取六一瞻望玉堂如在

天上之意名其園曰瞻園園中有東山樓自爲

聯云

辛勤有此廬，抽身歸矣喜鳥啼，花笑三徑

常開好，領取竹簟清風，茅檐暖日，蕭閒

無箇事，閉戶恬然對茶熟，香溫一編獨抱。

最難忘別來舊雨經過名山

蘇州山塘斟酌橋新修東陽張忠敏公祠旁屋數
椽應敏齋廉訪著曰詩紅小築頗有泉石竹籬

荷沼楚楚可觀俞曲園先生聯云

小築三楹看淺碧垣牆淡紅池沼 相逢
一笑有袖中詩本襟上酒痕

蘇州顧子山先生文彬爲風雅宗伯所居曰怡園

集詞語自撰楹帖並皆佳妙錄如後

□□□□□高臥未成漫徘徊覓句堂深
寫經窗靜 安輿扶上了老來受用總付
與晚花行樂翠葉招涼

右集姜白石 爲入門第一聯

又聯

古今聯語彙選初集 園林

紆盤尋徑偃僂穿巖歡游曾步翠窠 玉

洞鳴春石牀蜚夢長嘯竟落松前

右集玉田

又聯

素景護梅殘向夢裏消春酒中延晝 雕
籠移燭暗任燈前欹枕雨外熏爐

右集夢窗 額曰舊時月色

又聯

招隱竟忘還踏破蒼苔一笑原非捷徑
薄游渾是感待題紅豆幾人來結吟朋

右集張叔夏

又聯

酣詠樂昇平落筆生風壁立龍蛇飛動

起舞弄清影虛欄轉月勢浮輿蓋方圓

右集蘇玉局

又聯

柴門今始開窈窕誰來有客驂鸞翳鳳
翠竹栽成路彎環如許小園曲徑疏籬

右集辛稼軒 以上秀野亭

又聯

石磴掃松陰幾曲闌千古木迷鴉峯六六

張玉田 煙光搖縹瓦一屏新繡芙蓉

孔雀夜溫溫 史梅溪

又聯

笑掩雲肩外院重扉聯寶獸 張子野 閒

依露井畫闌曲徑宛秋蛇 周美成

又聯

曲砌虛庭玉影半分秋月 聯詩換酒夜

深醉踏長虹

右集周草窗 以上玉虹亭

又聯

飛鳥翻空窺魚笑汝癡計 幼安 浮圖

倒影與鷗同一清波 玉田

又聯

天地一陶然草草山窗休舉似錦繡樓臺

燕鶯簾幕 江湖渺何許幽幽尺宅儘未

讓桃花流水杜若芳洲

右集張貞居 在池塘之右

又聯

紫苔蒼壁曲徑疏籬玉斧削方壺政爾橫
看成嶺 酒令詩籌芒鞋竹杖歸路踏明

月等閒行盡長廊 右集稼軒

又聯

錦幄春溫葡萄上架春籐秀 闌干四遠

蒼蘚沿階秋意濃 右集周美成

以上兩雲軒

又聯

石筍埋雲風篔簹晚 燈樓倚扇水窠移

船 右集李賀房

額題歲寒草廬

又聯

看隨花糝石撥葉通池松下獨徘徊深護

古今聯語彙選初集 園林

啼猿歸去 聽隔竹敲茶開簾過酒蕭臺
猶醉舞不知白鷓飛來 右集玉田

又聯

翠幃圍屏回首蒼波故苑 寶臺臨砌有

情花影闌干 右集吳夢窗

又聯

竹杖敲苔倚窗小梅索句 簾波浸筍閉

門明月關心 右集史梅溪

額題自勸明月種梅花

又聯

竹邊松底只贈梅花共結歲寒三友 薜

老苔荒摩挲峭石恍然月白千峯 右集玉田

又聯

高會惜分陰爲我攀梅細寫茶經賁香雪

蠶語熱火鼠論寒 右集稼軒

長歌自勝酌請君置酒醉扶怪石看飛

又聯

泉 右集稼軒

流水洗花顏擁蓮媛三千誰道采菱波狹

額題香露

紫霄承露掌倚瑤台十二又聞凭袖香

又聯

留 右集夢窗

欺寒茸帽拂雪金鞭漸爲尋花來去 款

額題可自怡齋

語梅邊讀書松外幾番問竹平安 右集玉田

又聯

又聯

曲檻俯清流暝煙兩岸斜日半山橫枕熬

古今興廢幾池臺往日繁華雲煙忽過這

峯月面倒銜蒼石 秦少游

般庭院風月新收人事底虧全美景良辰

晴空搖翠浪花露侵詩槐薰入扇涼生蟬

且安排剪竹尋泉看花索句 從來天地

翅柳陰深鎖金鋪 周艸窗

一稊米漁樵故里白髮歸耕湖海平生蒼

又聯

顏照影我志在遼關朝吟暮醉又何知冰

水雲鄉松菊徑鷗鳥伴鳳凰巢醉帽吟鞭

煙雨偏宜晴亦好 盤谷序輞川圖論仙

詩居士譜酒羣花隊主人起舞客高歌

又聯

蓮葉共分題貯月杯寬小拍闌干呼范蠡

篔屏掩雙扇避風水淺旋移芳檻引流

鶯 右集艸窗

又聯

數曲闌干人事迴廊縹緲 一奩越鏡他

山小隱登臨 右集夢窗

額題面壁

又聯

雲洞插天開欲往何從一百八盤狹路

稼軒 湘屏展翠疊臨流更好幾千萬縷

古今聯語彙選初集 園林

垂楊 右集艸窗

又聯

竹外疏花冷香飛上詩句 梅邊吹笛此

地宜有詞仙 右集白石

額題碧梧棲鳳

又聯

占一年好景數朶奇峯經卷熏爐誰與贈

洞霄仙侶 擬招隱羊裘尋盟鷗社綠簑

青箬人道是煙波釣徒

右集張貞居

又聯

還我漁簑依然畫舫清溪笛 急呼斗酒

換得東家種樹書 右集稼軒

七

額題碧澗之曲古松之陰

又聯

風幙捲金泥牡丹時宴玉塵談賓錦衣鄉
社花香聞水榭畫闌外倚翠樓煙靄紅
柱溪橋 右集張子野

額題遙島飛來

又聯

素壁寫歸來畫舫吟齋細雨斜風時候
瑤琴才聽徹鈞天廣樂高山流水知音
右集稼軒

額題石聽琴室

又聯

松景闌干鰲峯對起 梅花清夢翠羽飛

來 右集夢窗

額題拜石軒

又聯

仙子駕黃虬玉樹照秋清夢重游天上
中宵按瑤鳳瓊樓宴萼古香吹下雲頭
右集夢窗

額題隱市山林傍家池館

又聯

芳桂散餘香亭外笙歌記相逢金粟如來
蕊宮仙子 天峯飛墮地眼前突兀最好
是蜂房萬點石髓千尋 右集稼軒

額題穴外築婆娑

又聯

蘇幹石斜妨翠葉招涼金縷一團香露

右集白石 錦溫華共醉紅蓮並蒂鏡閣千

齋春霞 右集夢窗

又聯

酒羣花隊舞榭歌臺隔戶語春鶯寶馬雕

車香滿路 右集稼軒 書卷詩瓢筆牀茶

籠寄情在談塵舊家三徑竹千竿 右集叔又

又聯

幽懷倚石蕭疏竹影夜深且拂簟清眠引

筇閒步 翠幙層波掩靄苔香簾淨每逢

花駐樂持酒聽歌 右集張子野

又聯

春屋圍花隔牆疑是金谷 苔根澆石無

古今聯語彙選初集 園林

言對立斜暉

又聯

移花檻小密葉齋幽伴壓架醱醅依約誰

教嬰武 款竹門深采芝人到任滿身風

露姓名題上芭蕉

額題閒鎖一壺幽綠

又聯

寶戶新成看檻曲縈紅簷牙翡翠 右集白石

闌干橫暮傍竹根清景亭上新聲 右集夢窗

額題玉延亭

香鄰盛旭人方伯歸田後卜居金閶購劉氏園林

名曰留園相傳方伯爲某寺長老轉生生平喜

茹素遊藝林下夷然自得全椒薛時雨有聯云

九

迤邐出金牕看青蘿織屋喬木千雲好樓
臺舊趾重新儘堪子散清遊元之醉飲
經營參畫稿鄰郭外楓江城中心花塢倚琴
樽古懷高寄想見寒山詩客吳會才人

又俞曲園集校官碑聯

惟曰進德焉脩學焉足在我爾 從茲永
安吳長樂吳蓋有天庠

又濟南鄭文源集句聯

奇石盡含千古秀 桂花香動萬山秋

又留園主人自題聯

歷宦海四朝身且住爲佳休孤負清風明
月 借他鄉一塵地因寄所託任安排奇
石名花

留園主人新築待雲庵成俞曲園聯云

何處白雲歸有鄉里古招提出西郊不半
里而至 前生明月在是佛門新公案言
東坡爲五老後身

金粟香爲其兄逸亭石谿小圃撰聯云

芙蓉江上占林泉解組歸來勝境重開摩
詰畫 桃李園中宴花月飛觴歌詠良游
愧乏惠連詩

又題史氏意園望雲水榭聯

綠水傍名園小築樓臺欣得月 白雲臨
古渡閒尋碑碣勝餐霞

又聯

有約白雲來喚渡 且邀明月共開尊

又題莊誦先太守息遊水榭聯

蘋風綠漾知魚檻 花雨紅酣夢蝶樓

劉子迎觀察歸里後築水榭於白雲溪上自題聯

云

瀟湘聽雨岱岳看雲鹿夢醒來訛還向詩
書尋樂地 秋月窺簷春波拍岸鷗盟隨
處證不妨絲竹遺中年

劉曾任湖南岳常澧道山東登萊青道故上聯云

吳芝瑛自題海上小萬柳堂帆影樓聯

流雲謫青闕 金壺啓夕淪

又西樓聯

野老時一望 游子澹忘歸

又翳澗閣聯

古今聯語彙選初集 園林

丹霞夾明月 驚風誦飛流

又聯

屋小疏茅覆 門深亂柳遮

又聯

無以慰延佇 聊可瑩心神

又夕照亭聯

得未曾有 從無始來

又聯

得大安穩絕於人境 離一切相情均天

倫

跋云夫子南湖新堂成入世之意日澹而濟物之

量則營營汲汲時抱歎然憂患迭更去佛不遠敬

集楞嚴四語博一爨也戊申七月芝瑛學字

吾鄉趙惠甫先生歸田後卜居常熟於城西購吳

氏舊園爲燕居觴詠之所先是園名水吳先生

卜居後易名水吾園類則靜圃也園中楹帖皆

先生自撰吾友方君叔遠爲任綴錄之勞園中

天放庵聯云

闢菽苑文林可稱三徑 擅春花秋實無

忝百城

又青林堂聯

花木土石水泉離世樂道者宜有 誦讀

論議教誨大雅宏達之所羣

又見微書屋聯

新煙驚換舊雨鷄招嘯歌且盡平生事

款竹門深移華檻小林泉都在臥遊邊

又正廳柱聯

專意典籍左太冲宜春之里 自栽草木

李義山永樂所居

又大門聯

詩書敦夙好 山水有清音

又內廳柱聯

朝受業畫講隸夕習復 精五鉢慕酒漿

縫衣裳

又園廊聯

闌干搖紅水搖綠 桃花含露柳含煙

又書樓正楹聯

萬卷琳琅祖宗未能有此 卅年精力子

孫其忍忽諸

又黛語樓聯

聽盡曉鴉啼好箇霜天莫遣傳杯閒玉手
輸將春色半吹他池水已拚賦曲賞紅

羅

又竹文正像右聯

梅花卅樹昭其芳潔 虞山百仞無此崢
嶸

又外宅門聯

居安宅由正路 翔德圃息藝林

又聯

長橋臥波新亭延月 荷香醉客柳色迷
人

又聯

古今聯語彙選初集 園林

谿水到如雲 霞光散成綺

又聯

明月作畫 春桃生花

又入園正門聯

山隨平野盡 村入郭門來

又茅亭聯

塵海漚中已無錐立地 孤峯頂上有把

茅蓋頭

又天放樓外柱聯

山光下谿靜相好 雲影掛樹閒不流

又能靜居門聯

靜定一去惑 寬緩默不爭

又某君聯

萬卷百城安事杯酒澆壘塊 清風明月
故應城市有山林

又宗湘文聯

儘樓臺池館抵妙手成圖誰辨此五世遺
經萬言作賦 祝將相王侯如飄風過眼
纔消納四圍煙水一榻雲山

上海縣城隍廟中有豫園水石回環軒亭四映各

極其勝陶雲汀督部小駐園中各書楹帖以紀

之湖心亭聯云

野煙千疊石在水 漁唱一聲人過橋

又得月樓聯

樓高但任雲飛過 池小能將月送來

又三穗堂聯

此卽濠間非我非魚皆樂境 恰來海上
在山在水有遺音

又一笠亭聯

游目騁懷此地有崇山峻嶺 仰觀俯察
是日也天朗氣清

上海徐園聯

無事棋酒著酌 有時琴詩彈談

上海愚園內之橋亭爲林步青及良難策處劉葆

良先生聯云

談言微中可解紛當人古史記滑稽列傳
聲音之道通乎政請看新世界戲曲改
良

又巖新廳書房集句聯

漸不爲人識 時還讀我書。

園內花神閣圖有十二花神劉葆良先生爰集

聯爲聯並頌其匾曰靈來如雲聯云

蕙帶荷衣偃蹇蛟服 蘭橈桂棟芳菲滿

堂

又題

花花葉葉翠翠紅紅惟爾神著意扶持不
教雨雨風風清冷冷 鰈鰈鸚鸚生生
世世願有情都成眷屬長此朝朝暮暮喜
喜歡歡

又題某樓聯

新居拓靜安寺之旁頻年藝竹栽花敢上
規開府梨桃徵君松菊 空氣自太平洋

古今聯語彙選初集 園林

而至幾輩憑欄把酒儘消受管絃夜月
綺春風

有欲改愚園爲檢園或娛園者葆良先生又題

聯云

柳州媚古沿愚谷 庾信投閒賦小園

原跋光緒甲辰吾母年七十二矣吾弟柏生思所以娛樂吾親者乃竭力摒擋以購此園每至春秋佳日板輿來遊孫曾繞於前子婦侍於側吾母願而樂之覺一花一石均有生趣詎不四年而吾弟以此園質於銀行又不數年而并爲西人所管領矣此聯爲丁未夏間病臥園中所撰追記於此以當鴻爪

揚州某園

好鳥一鳴山花欲笑 皓月千里江流有聲

何廉昉太守罷官後業醱揚州掃壺園自撰一聯

云

釀五百斛酒讀三十車書于願足矣 製
千丈大裘營萬間廣廈何日能之

范肯堂題張氏枕紅亭聯

遠客乍歸藉城東一畝園亭白石青松尋
舊約 故家常在喜江北百年人物碧梧
翠竹有清才

秦州游氏園有主人白題聯云

十畝地無多只合春酒留賓秋燈課子
半生天已定且向西園學圃東郭催耕

青蓮山房舊址在靈隱少宰楊公有曾別業爲明

包莊故址有聯云

連峰紫翠看皆好 喬木風煙畫不如

西湖兩山上有鮑庵爲錢唐吳名溢慮墓處近九

溪十八澗泉石深邃陳洪綬書杜句爲聯後

卽葬於其旁聯云

側身天地更懷古 回首風塵甘息機

彭剛直題俞樓聯

高 邵子行窩丹涯花滿 謝公別墅絳帳風

又譚鍾麟聯

千古一詩人文章有神交有道 五湖三
畝宅青山爲屋水爲鄰

又陳璠聯

羣經平議諸子平議合史傳百家力排衆
議此外稽掌故論詞章訂金石洋洋萬卷
誦遍瀛寰無非滄海餘波聊爲山林娛暇
日 庠序有人賢書有人遊木天粉署更
不乏人其間說禮樂習兵農商道德雍雍
一堂各承衣鉢看取數椽小築早知樑棟
寓奇材

又魏汝弼聯

想見東坡舊居士 爲我佳處留茅庵

又徐金綬聯

天上人間謫仙無恙 山高水長先生之
風

又某君聯

園中草木春無數 湖上山林畫不如
又徐琪聯
坐曝書亭登小倉山文采風流二百餘年
無此盛 對退省庵近巢居閣勛名德業
兩三間屋並生春

又曲園自題聯

合名臣名士爲我築樓不待五百年後斯
樓傳矣 傍山北山南循地選勝適在六
一泉側其勝如何

姚孟起題高氏別業聯

飼鶴調琴止談風月 養魚種竹不問春
秋

又徐惟琨聯

畫裡移舟梅邊飲笛 牆頭喚酒枕上看潮

又曲園聯

選勝到裏湖過蘇隄第二橋距花港不數武 維舟登小榭有奇峯四五朶又老樹兩三行

補讀廬在錢塘門外江蘇葛安之先生別墅王文

詔聯云

好山水遊其人多壽 有詩書氣生子必才

吳芝瑛西湖小萬柳堂聯

遠矚林園勝妙殊絕 越諸塵累身心了

然

跋云秋來湖上歸者艷稱新居天然構勝夫子日課楞嚴孜孜不已芝瑛敬拈四語作吾堂新楹聯惟對仗殊欠工整耳戊申七月既望芝瑛書於帆影樓

又聯

精光不亂八月露水 眞際所詣一聞鐘聲

跋云星斗高寒澄觀遐想蘇內翰乘風逸致善哉善哉戊申秋中芝瑛集楞嚴語

又聯

澄霄斂氛爲明月放 悲淚頂禮發海潮

音

跋云悲秋閣倚闌夜坐戊申八月十八日芝瑛集
榜嚴語

羅純緞承其姑母迦陵女士之志校印四庫全書
復在平湖秋月之旁承買官地擬建學社聚集
名流爲文酒之會徐東海贈聯云

化人樓閣榜瑯嬛綺奏縹囊好細數太清
典籍 王宰丹青剪煙水芸香藜火更添
來羣玉神仙

應敏齋構適園於杭之忠清里泉石之勝與真山
水無異有三層樓登其上層則襟江帶湖空曠
可喜俞曲園先生因集唐人張蠟王之渾句爲
樓聯贈之語頗切合惟張句上下易置則以樓
聯體裁須諧平仄耳聯云

古今聯語彙選初集 園林

似入萬重山不離三畝地 欲窮千里目
更上一層樓

溫州舊道署內有且園爲清初高且園先生任溫
處道時所築高名其佩工指頭畫其自製園中
一聯爲同治間儀徵方子箴先生補書聯云

此地有崇山峻嶺茂林修竹 以後則深
闌密閣慢雨疏風

又方子箴題聯

山川之美古來共談宦游歲晚濯清瀨息
椒丘頗用譚笑娛情琴尊間作 濠梁在
茲安事遐想公退之暇溯長風吟素月將
有賢人湛德高士凝樓

新安孫述叔讀書處有樓曰紅葉讀書樓樓凡三

十九

折家人呼之爲山尺樓客至輒留宿其上俞曲

園聯云

仙到應迷有簾幕幾重闌干幾曲 客來

不速看落葉滿屋奇書滿牀

長沙李氏芋園爲石梧制軍星沅告養時所構自

題聯云

閱世修中年辛苦功名都歷盡 娛親借

小隱讀書耕種總陶然

遂誠齋達三權稅粵關喜談文字頗通易學有別

業在署旁名淨芳園權使自爲集句一聯云

閒坐小窗讀周易 每依南斗望京華

張南山題荔支灣陳園聯

閉門宛在深山好花解笑好鳥能歌盡是

性天活潑 開卷如遊往古幾輩英雄幾

番事業都成文字波瀾

廣州荔枝灣某氏園有何子貞太史題一聯云

無奈荔枝何前度來遲今太早 又搖蘇

舸去主人不飲客常醺

蝦叟曾兩度至粵皆不值荔枝時節而某氏園一

水亭爲舟形名曰蘇舸聯語蓋紀實也

粵中某氏園聯

海邊潮至庶徐徐聞乎 陌上花開可緩

緩歸矣

按梁湛菴云雷州徐聞縣其始縣城逼近海埔每

潮汛洶湧聞者震恐後徙築縣城居民喜曰海邊

潮至庶徐徐聞乎因改名徐聞縣方橡坪曰可取

對陌上花開可緩緩歸矣則某氏之取以爲聯殆有所本

陳氏拙秀園在粵秀山而籠金粟香爲題園門聯

云

花徑雲霞通粵秀 蘿門風月話山陰

陳氏祖居山陰之蘿門故云

又聯

繞郭有山白雲高妙 近水得月清光大來

又正廳聯

地近越王臺入室有秦時明月 家傳太邱長登堂懷漢代高風

又看山樓聯

古今聯語彙選初集 園林

湖海豪情元龍高臥 神仙遐想黃鶴來游

又船廳聯

何氏山林依綠水 米家書畫寄滄江

陳君繩齋別業有書室種梅顏曰咏花軒金粟香

題聯云

閉門覓句懷無己 索笑巡簷大有人

福建雙峰園聯

平生最喜說東坡日啖荔枝三百顆 天下幾人學杜甫安得廣廈千萬間

桂林城北仙李園巖洞之勝爲桂郡一大觀周山

奕升恒撰大門聯云

一帶林塘詩境界 四時花果隱生涯

又園中簪筆堂有商寶意盤題聯云

北院喜新成有寒碧千層遠青一角 東
君如舊識正庭槐垂蔭梁燕將雛

謝子受觀察築屋半山寺近旁爲鵲詠地聯云

墩本吾家勝蹟從來稱太傅 宅由我造
半山莫更讓荆公

王尊農先生集姜白石詞句題某氏園聯

此地宜有詞仙喚起澹妝人雙槳蕩波一
蕩松雨 冷香飛上詩句未了清遊興荷
花池館蕉葉窗紗

某君自題別墅聯

借問行路人四面雲山誰作主 坐觀垂
釣者五湖煙水獨忘機